

說文解字注箋

說文解字弟十四

金壇段玉裁注

番禺徐灝箋

五十一部 文六百三 重七十四

凡八千七百一十七字

文十八

新附

△金五色金也黃爲之長久隴不生衣百鍊不輕从革
不達西方之行生於土从土左右注象金在土中
形今聲凡金之屬皆从金

居音切

△金古文金

注曰凡有五色皆謂之金也不達當作不韋今正
韋背也○箋曰五色者白金銀青金鉛赤金銅黑

言二角三
金鐵與黃金而爲五也黃爲之長遂獨專其名書
洪範曰金曰從革傳曰金可以改更也塊然之物
無可取象因其生於土故从土左右點象金在土
中蓋指事也

銀白金也从金艮聲

語巾切

注曰爾雅曰白金謂之銀其美者謂之鐐此許所
本也

鐐白金也从金寮聲

洛簫切

注曰爾雅別之曰其美者謂之鐐許不別也毛詩
傳曰大夫鐐琫而鐐琕

鏐金白金也从金𠂔省聲

烏𠂔切

注曰說文芙蓉之字未有省艸者鑒字三見於毛詩小戎傳曰沃白金也車部輞下引詩沃以釁輞知古本毛詩祇作沃沃卽鑠之假借金部本有鑠無鑒淺人依今毛詩補之○箋曰芙字未有省艸而沃省爲沃則相承已久小戎毛傳云鑒白金也釋文各本未有作沃者未識段何所見而徑改之也輞下引詩繫傳正作鑒此本偶誤廣雅云白銅謂之鑒是此字漢魏以來有之段以爲淺人所補未必然也沃亦非鑠之假借詩疏曰言鑒白金者謂銷此白金以沃灌鞞環金銀銅鐵總名爲金此說兵車之飾或是白銅白鐵未必皆白銀也段說

正相戾矣

鉛青金也从金台聲與專切

箋曰後漢書隗囂傳注曰鉛青金也似錫而色青

錫銀鉛之閒也从金易聲先擊切

注曰周禮升人注曰釧也職方氏注曰鑣也鑣字

說文無經典多假錫爲賜凡言錫子者卽賜之假

借也○箋曰錫賜聲相近

釧錫也从金引聲羊晉切

箋曰爾雅曰錫謂之釧郭注白鑣也

銅赤金也从金同聲徒紅切

注曰銅色本赤今之白銅點化爲之耳食貨志曰

金有三等黃金爲上白金爲中赤金爲下孟康曰赤金丹陽銅也按丹陽銅卽吳王濞傳章郡銅山貨殖傳章山之銅也

鍾

銅屬从金連聲

力延切

箋曰繫傳曰史記長沙出連錫卽此也灝按貨殖傳又曰江南出金錫連徐廣曰連鉛之末鍊者漢書食貨志穀以連錫李奇曰鉛錫樸名曰連廣雅曰鉛鑛謂之鍊

鐵

黑金也从金戠聲

天結切

或省鍊古文鐵

从夷

注曰夷蓋弟之譌○箋曰廣韵鍊兼收入齊韵引

字林云鐵名

錯九江謂鐵曰錯从金皆聲

苦駭切

箋曰方言曰錯錯堅也自關而西秦晉之間曰錯

吳揚江淮之間曰錯

鍔金鐵也一曰轡首銅从金攸聲

以周切

注曰小雅鞶革沖沖毛傳曰鞶轡也革轡首也按

鞶轡也當作鞶轡首飾也轉寫奪去二字許釋鞶

為轡首銅鍔即鞶字古金石文字作攸勒或作鍔

勒轡首銅者以銅飾轡首也勒馬頭絡銜也

鍔剛鐵可以刻鍔从金𠂔聲夏書曰梁州貢鍔一曰

鍔鍔也

盧侯切

注曰鏤本剛鐵之名剛鐵可受鐫刻故鐫刻亦曰鏤○箋曰書禹貢梁州厥貢璆鐵銀鏤史記集解引鄭注鏤剛鐵可以刻鏤也爾雅釋器鏤鏐也凡物疏通謂之離婁故彫刻因謂之鏤繫傳本剛鐵下誤衍也字段說殊誤一曰釜者方言云鍤江淮陳楚之間謂之鐫或謂之鏤廣雅亦曰鏤釜也

鎖

鐵類原本作屬今從繫傳

从金賁聲讀若熏

繫傳作訓火運切

箋曰廣韵十二文鎖符分切飾也引說文曰鐵類

讀若熏又二十三問許運切

銖

金之澤者一曰小鑿一曰鐘兩角謂之銖从金先

聲
蘇典切

注曰澤者光潤也爾雅曰絕澤謂之銑晉語玦之以金銑者寒之甚矣韋注銑猶洒也洒洒寒兒言於太子無溫潤也許言其光潤韋言寒兒皆謂金之精者似異而非異也一曰小鑿鑿所以穿木也考工記鳧氏曰兩鑿謂之銑鄭注銑鐘口兩角按古鐘羨而不圓故有兩角

鑿金剛也从金取聲

古切

注曰剛當作剗今正刀部剗刀劍刃也刃下曰刀鑿也故剗與鑿爲轉注王褒聖主得賢臣頌曰清水淬其鋒李善引三倉解詁云淬作刀鑿也文選俗本譌爲鑿○箋曰繫傳云鑿淬刀劍刃使堅也

正與文選李注合段改非是其以互訓爲轉注亦
非辨見略例鈕氏樹玉曰篇韵竝作剛也剛字不
譌

𦉰金屬一曰剝也从金黎聲

即分切

注曰剝者裂也剝訓裂知錄與勞義同音別方言

剝解也卽此字

錄金色也从金录聲

力玉切

注曰錄與綠同音假借爲省錄字慮之假借也故
錄因卽慮因○箋曰言金之光華閃爍錄錄然也
引申爲凡光澤之稱亦曰歷錄秦風小戎篇五檠
梁輯毛傳檠歷錄也一輯五束束有歷錄疏曰五

榮是轅上之飾以皮革五處束之因以爲文章歷
歷錄錄蓋文章之貌也录部曰刻木录录也繫傳
曰录录猶歷歷也歷錄之倒語爲陸離離騷長余
佩之陸離又斑陸離其上下是也假借爲簿錄字
錄之聲轉爲慮故錄囚亦謂之慮囚又假爲庸錄
之偁史記蕭相國世家贊曰錄錄未有奇節平原
君傳公等錄錄所謂因人成事者也

鑄銷金也从金壽聲之戌切

注曰古音在九部亦讀如祝○箋曰淮南俶眞訓
曰今夫冶工之鑄器高注鑄讀如唾祝之祝

鑄鑠金也从金尙聲相邀切

箋曰廣韻銷與焞同按廣雅曰焞乾也與銷鑠義異釋名云錡或曰銷銷削也別一義

鑠銷金也从金樂聲書樂切

箋曰玉篇銷鑠金也鑠銷鑠也蓋說文舊本如是此作銷金後人所改也引申之義爲美爾雅曰鑠美也方言曰黠瞳之子謂之暇宋衛韓鄭之閒曰鑠郭注言光明也灝按字亦作爍馬融長笛賦或鑠金礪石李注鑠與爍同

鍊治金也治段訂**从金束聲**郎甸切

注曰治譌作冶煉治絲也鍊治繒也鍊治金也皆謂澗煉欲其精非弟治之而已治者銷也引申之

凡治之使精曰鍊○箋曰承氏培元曰韵會引作
治金瀕按玉篇亦曰治金

𠔁鍊鉞黃金从金丁聲當經切

注曰周禮職金旅於上帝則共其金版饗諸侯亦
如之鄭注鉞金謂之版此版所施未聞玉裁按今
爾雅鉞金謂之鈹鈹系版之譌則鉞當是鉞之譌
凡物扁之曰鉞鍊鉞鍊而成之今人用此字則古
錯字之義也○箋曰說文無鉞鈹二篆段說是也
初學記引爾雅正作鉞金爾雅釋文鈹本亦作版

𠔁鑄塞也从金固聲古慕切

注曰凡銷鐵以室穿穴謂之錮漢書曰下錮三泉

○箋曰引申爲凡閉塞之偁繫傳曰後漢法有黨
錮塞其仕進之路也

鑲作型中腸也从金襄聲

汝羊切

注曰型者鑄器之法也其中腸謂之鑲猶瓜中腸
謂之瓢也鑲亦用爲句鑲兵器也別一義見釋名
○箋曰繫傳曰鑄鐘鑪屬使內空者於型範中更
有土模所以後卻流銅也若果實之瓢又釋名云
鉤鑲兵也兩頭曰鉤中央曰鑲或推鑲或鉤引也

鎔冶器法也从金容聲

余封切

注曰董仲舒傳曰猶泥之在鈞唯甄者之所爲猶
金之在鎔唯冶者之所鑄師古曰鎔謂鑄器之模

範也今人多失其義

鈇可以持治器鑄鎔者从金夾聲讀若漁人莢魚之

莢一曰若挾持

古叶切

注曰莢當作夾今正治器者鑄於鎔中則以此物夾而出之周禮并夾取矢一曰若挾持者謂一讀若挾持之挾○箋曰鈕氏樹玉曰莢魚許必有本不應以周禮改

鍛小治也从金段聲

丁貫切

注曰小治謂小作鑪鞴以冶金如嵇康之鍛竈也治之則必椎之故曰鍛鐵及部段椎物也考工記段氏爲鑄器段卽鍛也詩之礲石則鍛質也○箋

日段說小治字得其指擊傳曰椎之而已不銷故
日小治是也以鐵入火鑠而椎之是謂小治異於
鎔鑄也

𦣻

銅鐵樸也从金廷聲

徒鼎切

注曰樸素也石部礪銅鐵樸𦣻與礪同亦謂之鋌
淮南書曰苗山之鋌○箋曰戴氏侗曰五金鍛爲
條樸者金曰鋌木曰挺竹曰筴皆取其長考工記
曰治氏爲殺矢刃長寸鋌十之

𦣻

鐵文也从金曉聲

呼鳥切

注曰謂鐵之文理也

𦣻

景也从金竟聲

居慶切

注曰景光也此以疊韵爲訓鏡亦曰鑒雙聲字也

𦣻曲鈔也从金多聲一曰𦣻鼎讀若撻一曰若詩曰

侈兮之侈

原作曰詩云侈兮侈
今今依繫傳正尺氏切

箋曰爾雅曰𦣻鈔也郭注涼州呼鈔一切經音義

十二引聲類鈔字與鈔同

鉶似鍾而頸長从金𠂔聲

戶經切

注曰古酒鍾有腹有頸蓋大其下小其上也○箋

曰急就篇銅鍾鼎鏗銅鈔鈔顏師古注鏗字或作

鉶鉶似鍾而長頸灝按下文云鏗溫器也許以爲

二字二義

𦣻酒器也从金重聲

職容切

注曰古者此器蓋用以盛酒故大其下小其頸量
之大者亦曰鍾引申之義爲鍾聚○箋曰許以鍾
爲酒器鐘爲樂器判然各異但此二字古相通用
故戴仲達合而一之考杜預注左傳司馬彪注莊
子顏師古注漢書李賢注後漢書皆云六斛四斗
爲鍾非惟盛酒之器不必如此之大卽樂鐘亦古
所未聞余嘗謂左傳晏子言齊舊四量豆區釜鍾
與嘉量之率不同此亦其一證也小爾雅云一手
之盛謂之溢兩手謂之掬掬四謂之豆豆四謂之
區區四謂之釜釜二有半謂之簋簋二有半謂之
缶缶二謂之鍾依此差之晏子所謂四升爲豆者

僅止四掬異六嘉量之外則斛之所容亦不同於石法可知至小爾雅所謂缶二謂之鍾卽晏子之釜十則鍾也而高誘注淮南要略則以十斛爲鍾是鍾之爲數亦無定準至公羊宣六年傳何注云畚草器名今市所量穀者是也齊人謂之鍾則形制竝殊竊謂酒鍾之名旣昉乎樂鍾而嘉量之度亦出於律呂然則鍾與鐘實本一字因後世用之各有所專遂岐而二之耳引申爲鍾聚之稱周語曰澤水之鍾也謂水之所聚也又曰鍾而藏之言聚而藏之也左氏昭二十八年傳天鍾美於是杜注鍾聚也

鑑大盆也。一曰鑑諸。鑑原本作監。今從繫傳。可以取明水於月。

从金監聲。

革儼切。

注曰：鑑諸當作鑑方諸也。轉寫奪字耳。周禮司烜氏以夫遂取明火於日，以鑑取明水於月。注：夫遂，陽遂也。鑑，鏡屬。取水者，世謂之方諸。淮南書：方諸見月則津而為水。高注：方諸謂陰燧大蛤也。孰摩令熱，月盛時以向月下，則水生。以銅盤受之，下水數滴，高說與許鄭異。考工記以鑑燧之齊，併言則鑑之為鏡可知也。○箋曰：鑑，古通作濫。莊子則陽篇：衛靈公有妻三人，同濫而浴。墨子節葬篇：几槌壺濫。呂氏春秋節喪篇：鍾鼎壺濫。又慎勢篇：功名。

著平槃孟銘篆著平壺鑑鑑卽濫也字又作𩚑皆
盛水器卽許所謂大盆也周禮凌人春始治鑑鄭
注鑑如甄大口以盛冰置食物於中以禦溫氣按
此亦盆盎之類而施用各異形制略同鑑古祇作
監从皿以盛水也因其可以照形而監察之義生
焉其後範銅爲之而用以照形者亦謂之鑑聲轉
爲鏡又按太平御覽引許注淮南云諸珠也方石
也以銅盤受之下水數升其說又異蓋鑑與大蛤
珠石皆可以取明水耳

鑄似鼎而長足从金喬聲

巨嬌切

箋曰許云鑄似鼎方言云椀謂之盞盞二器皆高

足故从喬聲喬者高也廣雅云鑄釜也則以爲烹

飪之器而盞爲食器

鑄金陽鏐也从金隊聲

徐醉切

注曰此字非其次疑後人因上說方諸而增之周禮秋官本作遂○箋曰玉篇鏐鏡也廣韵曰鑒陽鑒可取火於日中又作鏐同灝按今之玻璃眼鏡取以向日其中光影聚處有火一點在地可以紙煤然之顧野王以鏐爲鏡卽此類也

經溫器也圓而直上

而字從段補

从金堅聲

戶經切

注曰溫器者謂可用煖物之器也而字依廣韵補○箋曰急就篇顏注云經溫器圓而直上卽本於

說文又云鐙字或作鉗許則分爲二義也

鑄 鑄也从金壽聲

戶圭切

注曰瓦部甕大盆也周禮眠衽十輝三曰鑄鄭注
鑄讀爲童子佩觿之觿謂日旁氣刺日也今本周
禮注觿譌金旁非是觿者佩角銳耑可以解結故
鄭讀鑄爲觿今本作讀如亦非也○箋曰段以鄭
注言日旁氣刺日故謂當讀爲觿言如角耑銳也
先鄭云鑄謂日旁氣四面反鄉如暈狀則是圓形
故假借鑄字爲之鑄訓爲甕甕者大盆亦圓形也
注曰少牢饋食禮有羊鑊有豕鑊鑊所以煮也

鑄 鑄也从金夔聲

胡郭切

鍤釜大口者

段訂作如釜而大口者

从金夏聲

隸變作夏方別切

注曰如而二字依元應補釜者黼之或字○箋曰一切經音義二引說文鍤如釜而大口段據以訂正瀨按玉篇亦曰似釜而大也元應又引三蒼云鍤小釜也與許義異方言釜自關而西或謂之釜或謂之鍤釜與鍤實一聲之轉耳玉篇云鍤銷小釜也鍤銷之合聲爲鍤聲轉爲鍤

鍤金鍤屬从金秋聲

莫浮切

注曰急就篇鐵鍤鍤鍤釜鍤鍤顏注鍤似釜而反脣一曰小釜類卽今所謂鍋也以土爲之曰鍤內則敦牟危匱鄭注牟讀曰塹疏引隱義曰塹土釜

也六書故引說文曰鬲屬今以冑爲兜鍪蓋以其形似鬲○箋曰兜鍪之鍪乃攷之假借

鐃朝鮮謂釜曰鐃从金典聲他典切

注曰方言鍤北燕朝鮮洌水之閒或謂之鎖或謂之餅

鏹鏹鏹二字原脫今從段補鏹也从金坐聲昨禾切

鏹鏹鏹也从金羸聲魯戈切

注曰鏹鏹二字依全書通例補疊韵字○箋曰玉篇云鏹鏹鏹也卽本於說文此奪二字急就篇顏注鏹一曰鏹鏹卽鏹鏹也廣雅鎡鎡謂之鏹鏹王氏疏證曰物形之小而圓者謂之鏹鏹單言之則

曰銚廣韵銚蜀呼鉈銚也銚者族羸之合聲故銚
鑊又謂之銚鑊族羸急言之則爲痊皆一聲之轉

銚器也从金荆聲

戶經切

注曰此禮器也魯頌毛包馘羹毛傳羹大羹鉶羹
也按大羹煮肉汁不和貴其質也鉶羹肉汁之有
菜和者也大羹盛之於登鉶羹盛之於鉶鉶羹菜
和謂之芼其詳在禮經經典亦作鉶此猶荆字本
从井作刑非正字也

鎬溫器也从金高聲武王所都在長安西上林苑中

字亦如此

平老切

注曰武王都鎬本無正字偶用鎬字爲之鎬京或

書部乃淺人所爲不知漢常山有鄒縣也○箋曰
鎬京直用地名爲京邑之名耳無所爲假借也

鏝 溫器也一曰金器从金麤聲

繫傳有讀若輿三字於刀切

注曰廣韵鏝銅瓮也今江東尙有鏝孰之語與火
部以微火溫肉之裘義同或作燧或作麤集韵曰
盡歾殺人曰麤精漢霍去病合短兵麤皋蘭下是
也○箋曰廣雅曰鏝釜也又曰燧燧也王氏疏證
曰今俗謂煮肉爲燧肉燧謂之燧故溫器亦謂之
鏝矣又按麤从麤省聲

鉶 溫器也一曰田器从金兆聲

以招切

注曰今煮物瓦器謂之鉶子讀徒弔切是也一曰

田器者周頌庾乃錢鈔毛傳錢鈔也古通作𧈧爾雅𧈧謂之𧈧郭注卽古𧈧甬字方言云甬燕之東北朝鮮冽水之間謂之𧈧趙魏之間謂之𧈧○箋曰一切經音義十四云鈔似鬲上有鑲釜也廣雅曰鎔謂之鈔又管子海王篇耕者必有一耒一耜一鈔房注火鋤謂之鈔秦策曰無把鈔推耨之勢高注鈔芸苗器也

𧈧酒器也从金𧈧象器形

大口切

𧈧或省金

注曰酒器未聞或曰卽行葦之大斗非是毛傳大斗長三尺謂勺柄長三尺也斲字用𧈧爲聲○箋曰錢氏站曰此亦豆字爲酒器耳考工記飲一豆

酒又一獻而三酬則一豆注豆當爲斗卽此灝按此字當先有豎象形然後加金旁

鑣 鑣斗也从金焦聲

卽消切

注曰漢書李廣傳不擊鑣斗自衛孟康曰以銅作鑣器受一斗晝炊飯夜擊持行名曰刀斗○箋曰漢書師古注曰鑣音譙郡之譙溫器也今本史記李將軍傳作刁斗索隱曰刁音貂此相沿之誤蓋緣譙聲近雕而鑣通作刁遂讀刀如雕俗書因改刀字左筆斜上以別之耳史記各本皆誤惟漢書汲古閣本不誤莊子齊物論之調調之刀刀亦誤作刁又孟康云受一斗繫傳引作受二升

銅小盆也从金同聲

火立切

箋曰廣雅曰銅謂之鈹王氏疏證曰博古圖有漢梁山銅容二斗重十斤元康元年造灝按上文云鈹溫器也顏注急就篇云銅溫器也是銅鈹同物方言云孟謂之鈹銳木謂之桐桮此孟桮之屬與溫器異用也

鑄鼎也从金彗聲讀若彗

于歲切

注曰淮南說林訓水火相憎鑄在其間五味以和高注鑄小鼎又曰鼎無耳爲鑄

鉉也从金建聲一曰車轄

渠僊切

注曰謂鼎局也以木橫關鼎耳而舉之非是則既

炊之鼎不可舉也引申之爲門戶之鍵閉○箋曰
月令修鍵閉慎管籥鄭注鍵牡閉牝也管籥搏鍵
器也灝按鍵閉與管籥爲二事鍵者門闕之牡也
蓋以木橫持門戶而納鍵於孔中然後以管籥固
之管籥卽今之鎖也車軸耑鍵與此相類故亦謂
之鍵矣鉉者鼎局古傳注未有以鼎局爲鍵者此
似有誤

鉉舉鼎也易謂之鉉禮謂之闢从金立聲

胡犬切

注曰灝音局與鼎音蜜畫然二物二事古說皆云
鉉貫於耳顏師古獨云鉉者鼎耳非鼎局也其說
甚誤○箋曰玉篇鉉鼎耳也其義爲優此云舉鼎

疑誤闕者以木橫貫鼎耳而舉之也儀禮作局易
鼎六五鼎黃耳金鉉金鉉卽黃耳也上九鼎玉鉉
亦謂鼎耳若是鼎局豈有以玉爲之者乎

𨮒可以句鼎耳及鑪炭从金谷聲一曰銅屑讀若浴
余足切

注曰句讀如鉤鉤鼎耳舉之鉤鑪炭出之之器也
一曰銅屑者漢書食貨志民盜摩錢以取鉛是也

鑪器也从金熒省聲讀若銑烏定切

注曰謂摩銑之器也以金爲之爾雅注曰鷕鷕膏

中鑒刀○箋曰廣韵鑒下云鑒飾也又作瑩同

鑪鐵器也从金鐵聲一曰鑪也鑪原本誤作鑪今从

金鐙聲

子廉切

注曰蓋銳利之器郭注爾雅融工鐵頂者用爲今之尖字○箋曰錢氏埴曰公羊傳鍛其版本或作鐵

銅鐙也从金定聲

丁定切

注曰廣韵曰豆有足曰錠無足曰鐙○箋曰一切經音義七引聲類與廣韵同今之膏鐙卽古豆登之遺制也楚辭招魂云蘭膏明燭華鐙錯些王注言鐙錠盡雕琢錯縷急就篇鍛鑄鉛錫鐙錠鏤顏注鐙所以盛膏夜然燎者也其形若杆而中施釭有柎者曰鐙無柎者曰錠柎謂下施足也灝按小

顏云有柎曰鐙無柎曰錠與聲類廣韵正相反朱知孰是以音義求之似小顏爲長也

鐙錠也从金登聲都滕切

注曰祭統曰夫人薦豆執校執醴授之執鐙鄭注校豆中央直者也鐙豆下附也按附說文作柎鐙有柎則無足曰鐙之說未可信豆之遺制爲今俗用燈盞徐氏兄弟遂以膏鐙解說文誤矣生民傳曰木曰豆瓦曰登豆薦菹醢登薦大羹箋云祀天用瓦豆陶器質也然則瓦登用於祭天廟中之鐙范金爲之故其字从金○箋曰記言執鐙卽瓦登之登傳寫異文蓋薦豆執校者盛菹醢之木豆也

若執醴授之則別用瓦登云爾鄭以鐙爲豆下枅其說似未核古之豆登未聞有足後世之膏鐙範金爲之乃施足耳段以爲廟中之鐙範金爲之尤未聞斯制也許以鐙錠相次而與豆登異部則鼎臣兄弟所解不誤段以爲祭器之登乃誤矣

鐙 鐙也从金集聲奏入切 **鐙** 鐙或从𠂔

箋曰廣韻二十六緝云鐙鐵鐙素入切二十九葉云鐙炙鐵七接切不收鐙字玉篇二字亦不連屬

鐙 鐙也从金某聲齊謂之鐙與涉切

注曰此謂金銅鐵椎薄成葉者

鐙 鐙也从金產聲一曰平鐵初限切

注曰平鐵謂以剛鐵削平柔鐵也廣韵曰鑢平木器也凡鑢削多用此字俗多用刻字○箋曰鑢訓鐵鑢故以平鐵爲別義平鐵者平木器之鐵也段謂以剛鐵削平柔鐵非是

鑪方鑪也从金盧聲

洛平切

注曰凡難炭之器曰鑪定公三年左傳邾莊公自投於牀廢於鑪炭爛遂卒○箋曰鑪古祇作盧卅承增金旁說見皿部盧下玉篇未收此字

鑪圓鑪也从金旋聲

辭戀切

注曰元應曰周成難字作椹謂以繩轉軸裁木爲器曰椹按圓鑪之義之引申也○箋曰火鑪古未

有以方圖異其名者玉篇云徐專切圓轆轤也又

徐釧切轉軸裁器也

鑪器也从金虬聲

杜兮切

箋曰類篇一曰釜屬集韵同

鑪煎膠器也从金虬聲

郎古切

注曰煎熬也膠作之以皮故熬之而後成○箋曰

玉篇云釜屬類篇云一曰刀柄或作鑪集韵同

釳金飾器口从金从口口亦聲

苦厚切

注曰金涂器口許所謂錯金今俗所謂鍍金也漢

舊儀大官尚食用黃金釳器中官私官尚食用白

銀釳器班固西都賦元墀釳切謂金涂門限也切

者門限吳語三軍皆譁釗以振旅韋注譁釗喧呼
此乃假借字从金口會意○箋曰此以金飾器口
而非以金口爲義从口當爲指事

錯金涂也从金咎聲

倉各切

注曰涂俗作塗又或作搽謂以金措其上也或借
爲措字或借爲摩厝字或借爲逌造字○箋曰下
文云鑣錯銅鐵也此當云錯鑣也金涂乃其引申
義戴氏侗曰以剛鐵交錯爲理以磨厲金石是也
漢食貨志王莽造錯刀以金錯其文因之涂飾以
金亦謂之錯又厲石亦謂之錯別有厝厂部厝厲
石也又走部逌迹逌也卽交造之義古通作錯錯

謂之磋亦謂之𦔓故事之舛互曰錯亦曰差又曰
爽也又讀去聲與措通

𦔓

鉏鉏也从金御聲

魚舉切

𦔓鉏或从吾

注曰鉏鉏疊韵齒部齟齬齒不相值也鉏鉏蓋亦
器之能相抵拒錯摩者故廣韵以不相當釋鉏鉏
周禮玉人注駟牙左傳人名鉏吾皆同音假借

𦔓

鉏鉏也从金奇聲江淮之間謂釜曰鉏

繫傳無曰字魚綺切

注曰𦔓風破斧篇既破我斧又缺我鉏毛傳鑿屬
曰鉏又召南維鉏及釜傳曰鉏釜屬有足曰鉏方
言曰𦔓江淮陳楚之間謂之鉏郭云或曰三腳釜
也按詩左傳皆鉏釜並言然則本以有足別於釜

而江淮語同之耳。○箋曰鉏鋸與齧齧同意其轉語爲槎牙皆參差不齊之貌。鉏蓋鋸齒之類故詩言缺也。韓詩木屬曰鉏鑿屬曰鋸與毛互異疑當從韓爲是。又按鉏之言跂也一足謂之跂三足釜謂之鉏皆單數也。鬲部敲三足鍤也字異而義同又鬻三足釜也亦聲相近也。

△鍤郭衣鍤也从金𠂔聲

楚洽切

注曰古無廓字祇用郭如鼓下云郭皮甲而出此云郭衣皆謂恢廓張衣於版以鍤密鍤其週使伸直今之治裘者正如此是曰郭衣其鍤曰鍤以爲鍤𠂔者失之。○箋曰鍤鍤假借字耳。

言角三注多身一四
三
釧綦鍼也从金朮聲

食聿切

注曰管子一女必有一刀一錐一箴一鍼一釧房注釧

長鍼也玉篇亦曰長鍼○箋曰戴氏侗曰釧所以

引線故因爲釧誘與誑通

鍼所以縫也从金咸聲

職溪切

注曰縫者以鍼紩衣也竹部箴下曰綴衣箴也以

竹爲之僅可聯綴衣以金爲之乃可縫衣

釧大鍼也一曰劒如刀裝者从金皮聲

敷羈切

注曰劒兩刃刀一刃而裝不同實劒而用刀削裹

之是曰鉞左傳曰夾之以鉞○箋曰靈樞經九鍼

十二原篇鉞鍼長四寸廣二分半末如劒鋒此謂

醫家所用鍼砭也劉涓子注吳都賦云鉞兩刃小刀也蓋爲兩刃如劍而形制如刀故曰劍如刀裝繫傳如作而段氏因謂實劍而用刃削裹之殊誤矣鉞之小者莖下有鼻說見鍛下長鉞則如矛而有柄方言云鉞謂之鉞郭注今江東呼大矛爲鉞是也



鉞有鐔也从金殺聲

所拜切

注曰鐔劍鼻也鉞有鐔者如刀裝之鉞不爲鼻者也賈誼曰鉞樓棘矜非鐔於句戟長鍛張衡曰植鍛縣厥用戒不虞曰長曰植則鍛有柄有柄故不爲鼻○箋曰鉞有鐔者蓋兩刃小刀於其首爲鐔

若如矛長柄卽不復爲鐔矣鍛之言殺也首爲半
圓形自莖以下漸殺也說詳鐔下淮南覽冥訓飛
鳥鍛翼亦謂斂其翼也因之鍛亦謂之鍛漢書陳
勝傳贊不敵於鉤戟長鍛顏注鍛鍛也

鈕印鼻也从金丑聲女久切
𠄎古文鈕从玉

注曰古文印鈕字从玉蓋初作印時惟以玉爲之

○箋曰鈕古祇作紐周禮弁師延紐鄭注紐小鼻
在武上笄所貫也此紐之本義也淮南說林訓龜
紐之璽此紐之引申也後乃从金作鈕又从玉作

𠄎𠄎者或體非眞古文

𠄎斤斧穿也从金夙聲曲朱切

注曰穿者通也詩釋文作斧空也三字謂斤斧之
孔所以受柄者○箋曰玉篇作斤斧空也繫傳曰
柄孔受柯處六韜曰大柯斧釜長八寸灝按豳風
七月傳斲方斧也破斧傳隋釜曰釜隋謂長圓形
釜空也穿也方言云矛戣謂之釜郭注卽矛刃下
口廣雅云鉞謂之釜充有塞義故以鉞名指其所
實言之也

𦏧 釜

通

斧也从金此聲

卽移切

𦏧

釜也从金卑聲

府移切

注曰釜鉞斧之一種也疊韻字

鉞 金小鑿也

从金从斬斬亦聲

藏澄切

箋曰廣雅曰鑄謂之鑿灝按鑄鑿鑿一聲之轉輕

重各如其聲

鑄穿木鑄也穿鑿傳从金雋聲一曰琢石也讀若泚

子全切

注曰破木之器曰鑄因而破木謂之鑄矣一曰琢

石乃引申之義凡似此者皆淺人所增耳泚在閉

口音非其類○箋曰方言鑄琢也晉趙謂之鑄釋

名云鑄鑄也有所鑄入也

鑿金穿木也从金鑿省聲在各切

注曰穿木之器曰鑿因之既穿之孔亦曰鑿矣考

工記曰量其鑿深以爲幅廣九辨圓鑿而方枘音

家讀曹報反

𠂔𠂔

𠂔原本作𠂔
今從繫傳

从金舌聲讀若棧桑欽讀若鑣

息廉切

注曰𠂔卽田器之銚其屬亦曰銚俗作杔廣韵曰
古作極或作欣皆卽銚字引申爲銚利字賈誼曰
莫邪爲鈍鉛刀爲銚又方言銚取也此亦引申假
借義也銚从舌非聲當作𠂔他念切木部杔𠂔木
之栝此𠂔屬之銚皆用爲聲篆體亦當改正○箋
曰𠂔卽古舌字舌當讀與𠂔同說見舌部段知銚
當从𠂔聲而未悟舌卽𠂔字故疑从舌非聲而欲
改篆文耳銚當與𠂔聲近今讀息廉切者聲之轉

也銛訓爲取卽𠂔之假借舌舐取物因有取義魯
靈光殿賦元熊舛舛以斷斷李善曰舛舛吐舌貌
舛吐玷切談吐暫切此讀舛與𠂔同談亦𠂔之轉
也廣韵杅虛嚴切銛屬古作杅或作欣與銛音義
異段以杅爲銛之俗亦非

銛𠂔屬从金尢聲

直淡切

箋曰今關吏所執長鍼以揆驗物者謂之揆銅卽
此字也蓋由直禁切聲轉爲揆直淡切者聲之輕
重耳直古音如得

銛

𠂔屬

繫傳作𠂔金也

从金

危聲

一曰

瑩鐵也

讀若

跛行

繫傳

作踐行
過委切

箋曰玉篇曰鏡以振鋸齒也與許異義一曰瑩鐵者謂以藥物瑩飾刀劍也瑩讀去聲

鑿五河內謂甬頭金也从金攸聲

芳減切

注曰郭注方言曰江東呼鑿刃爲鑿○箋曰廣韵鑿音茂切江南呼鑿刃玉篇作鑿刃蓋誤鑿刃卽甬頭金

錢鉞也古田器从金菱聲詩曰序乃錢鉞

卽淺切又昨先切

注曰檀弓注曰古者謂錢曰泉布國語周景王將鑄太錢韋注古曰泉後轉曰錢周禮泉府注鄭司農云故書泉或作錢○箋曰詩周頌臣工篇毛傳錢鉞鑄錫也假借爲貨泉字繫傳本下有一曰貨

也四字蓋後人所增

𨮒大鉏也从金嬰聲居縛切

箋曰許以𨮒為大鉏六韜淮南以為兵器說見木

部權下

𨮒大犁也一曰類相从金今聲巨淹切

𨮒也从金隣聲徒果切

注曰相當作枱耒耜也○箋曰急就篇鈐鑄鉤鈗

斧鑿鉏顏注鈐鑄大犁之鐵廣雅曰鈐鑄謂之鑄

即鈐鑄也鈐又為車鑄之偁玉篇曰鈐車鑄也按

凡言鈐鍵鈐束之類皆鈐之假借鑄又為車軸鑄

之名廣雅曰鑄鑄鑄也說見後鑄下

棘之因用鉏於禾閒除艸故曰立薶段以坐薶與立薶相對謂古薶艸坐爲之非也俗作鋤

鋤

相屬从金罷聲讀若媯

彼爲切

注曰廣韵作鋤

鋤

也从金兼聲

力鹽切

箋曰廣雅曰划鋤劓鋤鋤鋤也六韜軍用篇云芟草木大鎌柄長七尺以上字又作鎌釋名云鎌廉也體廉薄也

鋤

也从金契聲

苦結切

注曰方言曰刈鉤自關而西或謂之鉤或謂之鎌或謂之鋤刀部曰劓鎌也卽方言之刈鉤也○箋

日鋏者契也爾雅曰契絕也郭注今江東呼刻斷物爲契斷

鋏大鐵也从金召聲鎌調之鋏張微說止搖切

箋曰方言曰刈鉤江淮陳楚之間或謂之鋏或謂之鋏玉篇曰鎌也

銍穫禾短鎌也从金至聲陟栗切

注曰周頌奄觀銍艾毛傳銍穫也銍所以穫也淺人刪所以二字○箋曰釋名曰銍穫禾鐵也銍銍斷禾穗聲也手部捥穫禾聲也引詩穫之捥捥

鎚博壓也从金眞聲陟刃切

注曰博當作箒局戲也壓當作厭竿也謂局戲以

此鎮壓如今賭錢者之有椿也未知許意然否引
申之爲重也安也○箋曰鈕氏樹玉曰一切經音
義屢引作壓也篇韻注同博字乃後人所加非局
戲也

△**鈗**鐵鈗也从金占聲一曰膏車鐵鈗

敕淹切

注曰周禮典同注飛鈗疏引鬼谷子作飛箝膏車
鐵鈗謂脂其車轂者以器納輻濡膏而染轂中也
其器曰鈗鐵爲之○箋曰一切經音義十一引通
俗文鍛具曰鈗瀨謂鈗與鉗同類異物鉗蓋冶器
所用鐵夾鈗訓爲鈗卽今所用鉗子今世俗二器
猶分別釐然也鈗當讀若拈與鈗爲雙聲廣雅云

拈扼持也拈扼猶鉗鉗也

鉗鉗也从金取聲

陳集切

注曰此與竹部籥義同音近○箋曰繫傳曰鉗猶籥也竹部籥籥也字又作鉗釋名云鉗攝也攝取髮也許書無鉗字

鉗以鐵有所劫束也从金甘聲

巨淹切

箋曰漢書高帝紀下郎中田叔孟舒等十人自髡鉗爲王家奴顏注鉗以鐵束頸也此鉗之引申義也古通作箝竹部箝箝也又通作拈手部拈拈持也蓋以手曰拈以竹木曰箝以銅鐵曰鉗通用則不別也

欽鐵鉗也

从金大聲

特計切

注曰史記平準書曰敢私鑄鐵器煮鹽者欽左趾
索隱引三蒼云欽踏腳鉗也又引張裴漢晉律序
云狀如跟衣著足下重六斤以代腦至魏武改以
代剛

鋸槍唐也从金居聲

居御切

注曰槍唐蓋漢人語廣韻引古史考曰孟莊子作
鋸○箋曰廣雅曰鋸鉏也管子小匡篇惡金以鑄
斤斧鉏夷鋸櫛尹知章注鋸櫛鑊類也此鋸之古
義魯語曰中刑用刀鋸韋注斷截用鋸釋名曰鋸
倨也其體直所截應倨句之平也此則今之所謂

鋸也槍唐蓋狀鋸聲

𦨇可以綴著物者从金瞽聲

則參切

注曰喪大記君裏棺用朱紵用雜金錯大夫裏棺用元綠用牛骨錯注錯所以琢箸裏玉裁按今謂釘者皆是非獨棺釘也○箋曰玉篇曰錯無蓋釘蓋謂無鋪首之釘也

錐銳也从金佳聲

藏追切

箋曰錐銳墨韵爲訓

銳也从金龔聲

士銜切

箋曰廣雅曰銳謂之鉞本篇云鉞大鉞也史記扁鵲傳鑲石橋引索隱云銳謂石鉞

𦣻也从金兌聲

以角切

𦣻籀文銳从厂剡

注曰𦣻者艸耑也艸耑必鐵故引申爲𦣻角字籀文𦣻从剡厂聲○箋曰銳古但作兌說見儿部書顧命一人冕執銳傳曰銳矛𦣻許引作銳說見銳下𦣻俗作銳

𦣻鐵朽也从金𦣻聲

母官切

𦣻𦣻或从木

注曰朽所以涂也秦謂之朽關東謂之𦣻○箋曰爾雅釋宮曰𦣻謂之朽釋文云𦣻本或作𦣻又作𦣻朽音烏又音胡引李巡云泥𦣻一名朽塗工之作具按𦣻字木部重見蓋古以木爲之後易以金也𦣻亦名𦣻胡方言云𦣻東齊秦晉之間謂其大

者曰鋟胡其曲者謂之鉤舒鋟胡是也鋟胡卽鋟
朽故朽有胡音蓋戟之垂胡有與泥鋟相似者而
名之也

鑽所以穿也从金贊聲

借官切

注曰本是器名因之謂穿亦曰鑽○箋曰此謂鑽
鑿之器方言云鑽謂之鐺矜謂之杖鑽乃鑽之假
借謂矛戟柄也

錯銅鐵也从金盧聲

良據切

注曰錯當作厝厝者厲石也厲銅鐵謂之鏤故其
字从金○箋曰廣雅曰錯鏤磨也又曰鉛謂之錯
鉛與鏤同方言云燕齊摩鉛謂之希字又作鐱鄭

眾注考工記錯本作厝此用假借字耳

銓衡也从金全聲

此緣切

注曰衡當作稱稱卽今秤字○箋曰銓訓爲稱可也而稱非稱錘也銓衡者稱量之通名故衡亦訓稱經解云猶衡之於輕重也鄭注衡稱也是也廣雅曰稱謂之銓錘謂之權分別甚明段改非也

銖權十分黍之重也从金朱聲

市朱切

注曰分當作衆今正衆部衆十黍之重也此云銖權十衆黍之重也漢律厯志一龠容千二百黍重十二銖此許所本言十衆黍者謂百黍也蒙十黍之重爲衆而言若禾部稱下云十二粟爲一分十

二分爲一銖則用淮南天文訓與律厯志別爲一
說○箋曰許於禾部旣曰十二粟爲一分十二分
爲一銖則此似當作權十二分黍之重也玉篇曰
銖十二分也

𦔁

十一銖

原本脫一字
今從段補

二十五分銖之十三也

原本
脫銖

字今從
段補

从金字聲周禮曰重三錡北方以二十兩

爲三錡

原本爲下脫三字
今從段補力鍛切

注曰各本奪字今依尙書音義漢蕭望之傳注廣
韵及戴東原師說補正考書傳及馬融王肅皆云
鍤重六兩鄭康成云鍤重六兩大半兩錡卽鍤賈
逵云俗儒以錡重六兩脫去大半兩言之說文多

宗賈侍中故曰北方以二十兩爲三埒正謂六兩
大半兩爲一銖也東原師曰鍤銖篆體易譌說者
合爲一恐未然也鍤當爲十一銖二十五分銖之
十三銖當爲六兩大半兩呂荆之鍤當爲銖弓人
膠三銖當爲鍤一弓之膠三十四銖二十五分銖
之十四不得多至二十兩也○箋曰段作十一銖
是也戴氏侗亦曰蜀本十下有一字戴東原謂鍤
銖互譌非也蓋徒知一弓之膠不得多至二十兩
不知許所引三銖非專指一弓之膠而言考工記
言重三銖者二其一爲冶氏之戈重三銖又戟與
刺重三銖蓋卽以二十兩爲三銖者此一數也其

一爲弓人膠三銔卽十一銖二十五分銖之十三
之數而三之也此又一數也許以十一銖二十五
分銖之十三爲銔之本數而北方以二十兩爲三
銔乃別一義其引周禮蓋兼包二數十一銖二十
五分銖之十三卽古尙書說百錢爲三斤百分之
一也北方以二十兩爲三銔卽賈鄭所云六兩大
半兩三倍之數也竊謂錢銔本各自爲數錢爲六
兩大半兩銔之本數爲十一銖二十五分銖之十
三呂荆之錢史記作率實定率之義蓋古者或謂
百錢爲百率因與銔同聲遂以銔爲率而當錢之
數於是銔亦爲六兩大半兩而二十兩爲三銔矣

古尚書說誤以銖之本數爲錢故稱百錢三斤以漢之五銖錢計之僅得錢三百二十似爲過少當從賈鄭諸儒所言也餘詳錢下又十一銖二十五分銖之十三爲一銖其數奇零非立名之法疑當爲十二銖漢律厯志曰權衡本起於黃鍾之重一龠容千二百黍兩之爲兩銖卽半兩之十二銖也蓋百銖凡三斤二兩一銖實十二銖或舉其成數三斤故百分之而成十一銖有奇耳夫六銖爲鎰倍之則十二銖爲銖半兩故有小半兩爲鎰大半兩爲鈞之目鄭注考工記云十鈞爲環環重六兩大半兩又恰符鎰之重數然則錢卽環也而銖十

二銖明矣

鑄也從金爰聲虞書曰罰百鍰戶關切

注曰考工記鄭注曰今東萊謂大半兩爲鈞十鈞爲環環重六兩大半兩○箋曰鍰之制賈逵鄭康成以爲六兩大半兩者十鈞之數也大半兩爲鈞其重十六銖十鈞爲環環百六十銖卽六兩大半兩書傳及馬融王肅以爲鍰重六兩則呂荊之罰百鍰凡三十七斤有半六百鍰爲二百二十五斤若如賈鄭之說一鍰爲六兩大半兩百鍰凡四十一斤十兩大半兩六百鍰則二百五十斤二數相較似賈鄭爲優也

詞之解三治卷第四
三
錙六銖也从金宙聲

側持切

注曰鄭注禮記儒行曰八兩爲錙高注淮南詮言訓曰六兩曰錙倍錙曰鍾風俗通義曰銖六則鍾二鍾則錙二錙則兩廣韵曰八銖爲錙其說皆乖異不與許合惟高注說山訓曰六銖曰錙八銖曰鍾與許說合疑說山之注乃許注之僅存者也○箋曰王注家語楊注荀子竝以八兩爲錙諸兩字疑皆銖之誤古人錙銖連言其數不得太懸遠也竊謂當從許說爲長

錙

八銖也从金垂聲

直垂切

注曰今謂稱之權爲錙古當作垂謂有物垂之而

使平○箋曰今假鍾爲稱鍾字俗作陀古音垂讀若陀口相傳不變也

鈞三十斤也从金勻聲

居勻切

𠂔古文鈞从旬

注曰漢志鈞者均也陽施其氣陰化其物皆得成就平均也古多假鈞爲均○箋曰戴氏侗曰夏書曰關石和鈞王府則有考工記曰臬氏爲量改煎金錫則不耗不耗然後權之權之然後準之準之然後量之量之以爲黼重一鈞聲中黃鍾之宮蓋律度量衡易於爽則故聖人作則煎金錫使不耗錡器以紀量衡律度使永遠不壞而咸得微則焉所謂和鈞蓋是物也因之爲鈞一之義輕重同也

𦨇

兵車也司馬法晨夜內鉦車从金巴聲一曰鐵也

此四字原在兵車也之下今從段移正伯加切

注曰晨夜內鉦車今司馬法無此文方言箭廣長

而薄鏃謂之鉦或謂之鉦一曰鐵也別一義今從

韻會本移下

𦨇

鉦也从金蜀聲軍法司馬執鉦

直角切

注曰周禮鼓人以金鑄節鼓鄭注鑄鉦也形如小

鐘軍行鳴之以爲鼓節司馬職卒長執鏡兩司馬

執鐸公司馬執鉦此奪公字

𦨇

令丁也从金令聲

原作从金从令令亦聲今依繫傳郎丁切

注曰晉語注丁甯令丁甯令丁謂鉦也吳語注丁甯令丁

謂鉦也今國語皆奪令丁字而存於舊音補音○
箋曰丁甯者鈴也丁甯令丁皆狀其聲急言之爲
鈴周頌載見篇和鈴典典毛傳和在軾前鈴在旂
上爾雅曰有鈴曰旂廣韻曰鈴似鐘而小蓋形如
小鐘而有舌行動則鳴與和鸞相應也

鉦鏡也似鈴柄中上下通从金正聲

諸盈切

注曰鼓人以金鏡止鼓鄭注鏡如鈴無舌有柄執
而鳴之以止擊鼓鄭說鏡形與許說鉦形合鏡卽
鉦也鐻鈴似鍾有柄爲之舌以有聲鉦則無舌柄
中者柄半在上半在下稍稍寬其孔爲之抵拒執
柄搖之使與體相擊爲聲也

鑄小鉦也軍法卒長執鑄从金堯聲

女交切

注曰鉦鑄一物而鑄較小渾言不別析言則有辨

也周禮言鑄不言鉦詩言鉦不言鑄

鐸大鈴也軍法五人爲伍五伍爲兩兩司馬執鐸从

金羃聲

徒洛切

注曰周禮鼓人以金鐸通鼓鄭注鐸大鈴也○箋

曰小宰徇以木鐸鄭注古者將有新令必奮木鐸

以警眾使明聽也木鐸木舌也文事奮木鐸武事

奮金鐸按鐸鈴鉦鑄鐸五者形制皆同唯鈴鐸有

舌爲異耳

鐸大鐘清于之屬所以應鐘磬也堵以二金樂則鼓

鑄應之从金薄聲

匹各切

注曰鄭注周禮禮經皆云鑄似鐘而大韋昭注國語謂鑄爲小鐘誤也鄭云似鐘則非鐘也故許旣云大鐘而又云涓于之屬周禮鼓人云以金錡和鼓鄭注錡錡于也圓如碓頭大上小下樂作鳴之與鼓相和又按周禮小胥云凡懸鍾磬半爲堵全爲肆鄭注鍾磬者編懸之二八十六枚而在一虞謂之堵鍾一堵磬一堵謂之肆○箋曰古錡于上大下小爲橢圓形唯下垂處如椎頭正圓吾粵順德梁氏廷枏嘗得漢錡于置之學海堂中灝經目驗也

鑪大鐘調之鑪从金庸聲余封切

注曰爾雅釋樂文商頌毛傳皆同惟商頌字作庸古文假借○箋曰商頌邢篇庸鼓有數逸周書世俘篇王奏庸庸卽古鑪字也

鐘樂鐘也秋分之音物種成从金童聲古者垂作鐘

職耳切鐘或从甬

注曰鐘與種疊韵○箋曰釋名曰鐘空也內空受氣多故聲大也白虎通引樂記曰鐘兌音也古通作鍾詳見上文鍾下鑪玉篇與鑪同

鈐方鐘也从金方聲府良切

注曰廣韵曰鑪屬今義也

𨾏 傳鱗也鐘上橫木上金華也从金尊聲一曰田器

詩曰庠乃錢鎛補各切

注曰考工記梓人爲箕箕鱗屬以爲箕鄭注橫曰箕植曰箕○箋曰鱗龍蛇之屬蓋於箕上爲龍蛇飾以金華謂之鎛鱗也周頌臣工篇庠乃錢鎛毛傳鎛耨也廣雅曰鎛鉏也釋名曰鎛亦鋤田器也鎛迫也迫地去草也又借爲鎛鐘之鎛周禮鎛師鄭注鎛如鐘而大是也

𨾏 鐘聲也从金皇聲詩曰鐘鼓鏜鏜平光切

注曰詩周頌執競篇文今詩作嗶嗶

𨾏 鎛鎛二字依鐘聲也从金倉聲楚庚切

鐃 鎗鐃也从金密聲一曰大鑿平木者

倉紅切

注曰平木當作中木今正馬融長笛賦鐃硲隤墜
李注云說文曰鐃大鑿中木也今按中讀去聲謂
大鑿入木曰鐃也○箋曰鎗鐃亦作瑤璫經典以
爲凡狀金玉聲之辭鎗又借爲鼎鎗字俗作鎗一
曰大鑿平木說文各本皆同玉篇廣韻並云平木
器則平字似不誤疑李善所引有誤大鑿平木非
不可解木科厄有節則以大鑿平之耳

鐃 金聲也从金爭聲

側莖切

注曰後漢書曰鐵中鐃鐃鐵堅則聲異也

鐃 鐘鼓之聲从金堂聲詩曰擊鼓其鐃

上郎切

注曰邶風擊鼓篇擊鼓其鐙毛傳鐙然擊鼓聲也
鼓部引詩作鑿蓋有韓毛之異○箋曰上林賦鐙
鎗闐鞀郭注闐鞀鼓音也鐙从金故兼鐘鼓言之
切

輕金聲也从金輕聲讀若春秋傳曰鑿而乘它車定

注曰鑿而乘它車昭二十六年左氏傳文今左傳
作鑿而乘於他車則不可通矣鑿蓋卽脰字亦或
作脰林雍旣斷足乃以脰築地而行故謂之脰○
箋曰林雍足旣斷矣豈能以脰築地而行必無是
理蓋斷一足而以一足踰蹕而行耳鈕氏樹玉曰
脰疑是趺玉篇趺半步也舉一足也與杜注一足

行合祭義作頃蓋同聲假借炷从圭聲韵書收迴
赴亦其類也

𠄎

劒鼻也从金覃聲

徐林切

注曰攷工記曲禮少儀所謂劒首也○箋曰釋名
曰劒旁鼻曰鐔顏師古注漢書匈奴傳下曰鐔劒
口旁橫出者也衛劒鼻也衛字本作彘其音同耳
灝按鐔卽考工記所謂臘也前承劒身後接於莖
鐔之言覃也覃延也言其橫出劒外也臘之言接
也風俗通曰臘者接也言其與劒身相接合也亦
謂之衛衛者衛也所以衛劒身也當兩脊之中者
曰鼻居刃之兩旁曰珥珥猶耳也阮太傅集所圖

古劒臘如梔子花蒂作四出長鬣形於臘之名義
猶顯蓋謂其如毛髮鬣然也近世所傳古劒其
臘多橫出如梭乃其簡制小顏以為劒口旁橫出
者此也古劒自首及末皆一體鑄成唯臘相附接
合亦有以玉為之者即玉部所云璊劒鼻玉也此
皆得之目驗者許云鐔劒鼻也璊劒鼻玉也參以
劉熙顏籀之說實足互相證明段及程沅諸家皆
以鐔為劒首似未確也

鐔 鐔鉞大戟也从金莫聲

大戟二字依繫
傳補蒸各切

鉞 鉞鉞也从金牙聲

以遮切

注曰大徐無大戟字小徐及臣瓚賈誼傳注李善

羽臘賦注李賢杜篤傳注引許皆同淺人但知莫
邪爲劒故刪之也○箋曰廣雅曰干將鑢劒也
玉篇曰鑢劒名王氏疏證曰干將莫邪皆連語
以狀其鋒刃之利故爲劒戟之通傳荀子性惡篇
云閭閻之干將莫邪鉅闕辟閭古之良劒也淮南
修務訓云服劒者期於銛利而不期於墨陽莫邪
史記商君傳屈盧之勁矛干將之雄戟司馬相如
子虛賦云建干將之雄戟戟與戈同類故魏文帝
浮淮賦云建干將之銛戈自西漢以前未有以干
將莫邪爲人名者自吳越春秋始以干將爲吳人
莫邪爲干將之妻遂致紛紛之說

鏐刀削末銅也从金戛聲

撫招切

注曰削者刀鞞也私妙切俗作鞞刀室之末以銅飾之曰鏐鞞用革故其末飾銅耳而高誘注天文訓云鏐讀如刀末爲鏐通俗文曰刀鋒爲鏐皆與許說異

釵鉞也从金及聲

蘇合切

注曰廣雅云鞞也又云釵鏐皆非古義○箋曰戴氏侗曰細鐵金銀爲文卽廣韵所謂釵鏐也

鉞小矛也从金延聲

市連切

注曰矛者曾矛其小者可用戰曰鉞○箋曰釋名鉞延也達也史記匈奴傳索隱引埤蒼鉞小矛鐵

矜

銀侍臣所執兵也从金允聲周書曰一人冕執銳讀

若允

余準切

注曰顧命作執銳傳云銳矛屬也陸氏音義云銳以稅反不言說文作銳玉篇廣韻亦無銳字殊爲可疑漢書長楊賦充鉞癢者張泌引說文謂充當作銳是說文今本至南唐張泌乃見之毛居正六經正誤云銳矛屬許氏說文音兌岳珂九經三傳沿革例云顧命執銳說文以爲兵器注中釋爲矛屬是則南宋時所據許書古本尚有釋銳爲兵器讀若兌者竊謂顧命本作銳說文亦本有銳無銳

今按說文當徑刪銳篆○箋曰許所據周書作銳
蓋必有所受之長楊賦充鋌癥耆充卽銳之假借
張泌引此以證充當作銳實足互相發明段氏以
釋文未引說文而玉篇廣韻亦無銳字遂謂說文
今本至南唐張泌乃見之殊爲紕繆灝謂顧命釋
文不言說文作銳蓋陸氏偶未之及說文引經異
字爲陸氏所未引者甚多不獨此一字也至玉篇
則本有銳字而爲後人所改何以明之說文於鋌
鋌二篆後次之以銳又次之以鉞鋌玉篇次第正
同唯易銳爲銳此明是淺人據今本顧命改之廣
韻雖無銳字而集韻類篇皆有之足明其相承有

自今本廣韻或後來所刪亦未可知又沿革例云銳實銳字也說文以爲兵器此指說文銳下云侍臣所執兵也又云今注中釋爲矛屬此指書傳銳矛屬而言也段乃謂南宋時許書古本尚有釋銳爲兵器者何其蔽邪若六經正誤則更不足辨所云銳矛屬非引說文其謂許氏說文音兌則許書從無直音豈得援以爲證邪

鉞 短矛也从金它聲

食遮切

注曰方言矛吳揚江淮南楚五湖之間謂之鉞或謂之鉞或謂之鉞按鉞卽鉞字廣雅作施○箋曰段說是也與鉞篆體相似故鉞誤爲鉞荀子議

兵篇宛鉅鐵鉞鉞卽鉞也鉞字一誤而爲鉞再誤而爲鉞因又作鉞矣廣雅施曹憲音蛇其爲它之變體無疑也矛刃曲折宛延故謂之蛇矛而字从它

𠂔矛也从金從聲

七恭切臣鉞等

𠂔鉞或从彖

注曰元應引字詁云古文錄積二形今作𠂔按錄

从彖聲與鉞當是各字疑轉寫有誤。箋曰淮南兵略訓修殺短鉞華嚴經音義引許慎注鉞小子也按鉞之言縱也縱刃以傷人也史記吳王濞傳曰鉞殺吳王後漢馬融傳飛鉞電激卽其義廣雅曰積謂之鉞曹憲音積子段反

說文解字注卷第一
𦏧長矛也从金炎聲讀若老聃切

注曰史記鏃戈在後又非鏃於句戟長鍛假爲銛

利字也○箋曰方言曰鏃謂之鉞按鏃之言銛也

銛利也銛鏃一聲之轉此可證銛之古音非息廉

切

鐔兵𦏧也从金逢聲

敷容切

注曰凡金器之尖曰鐔俗作鋒○箋曰釋名曰刀

其末曰鋒言若蠶刺之毒利也灝謂蠶之命名以

其刺人如鋒耳非鋒刃有取於蠶刺也凡物之鐵

銳者其字多从夆當以鋒爲正許書偶遺之段氏

反以鋒爲俗非也篇韻皆有鋒無鐔

金華

牙戟

秘下

銅鐘

也从

金喜

聲

時日丸

公牙江

大鐘山

家段
作改

鐵錙徒對切

鐵徒對切

注曰柶櫝也櫝積竹杖也矛戟之矜以積竹杖爲之其首非銅裹而固之恐易散故有銅鐔方言鐔謂之釭注或名爲鐔音頓元應書卷廿一引說文作鐔而謂梵經作鐔乃樂器鐔于字然則東晉唐初說文作鐔可知玉篇廣韻皆鐔爲正字鐔注同上曲禮進矛戟者前其鐔釋文又作鐔今更正篆作鐔詩秦風文今詩作鏐鐔○箋曰秦風毛傳鐔鐔也是古字作鐔鐔乃重文疑因鐔假爲樂器鐔于又別作鐔不必輕改本文當增鐔爲或體可耳

鑄秘下銅也从金尊聲

祖寸切

注曰曲禮曰進戈者前其鐔後其刃進矛戟者前其鏃鄭注銳底曰鐔平底曰鏃○箋曰鐔之言鐔也鏃者敦也皆踞地之義

鑄弩肩也一曰黃金之美者从金麥聲

力幽切

箋曰弩肩未詳爾雅釋器黃金謂之鑿其美者謂之鏃郭注鏃卽紫磨金

鏃矢

通

金鏃翦羽

鐵段訂作族

謂之鏃从金戠聲

繫傳無此篆平

切鈎

注曰金鏃當作金族从部曰族矢縫也束之族族也可證○箋曰爾雅釋器金鏃翦羽謂之鏃骨鏃

不翦羽謂之志郭注金鏃今之鏃箭骨鏃今之骨
髀是也小雅行葦疏引孫炎曰金鏃翦羽使前重
也然則骨鏃不翦羽前後適均矣从部曰族矢鋒
也今作鏃者用世俗通行之字周禮司弓矢有八
矢鏃矢用諸近射田獵恆矢庠矢用諸散射鄭注
鏃之言候也司候射敵之近者及禽獸前九重中
深而不可遠也恆矢之屬軒輊中所謂志也

鏃矢縫也从金膏聲

部歷切
隸作鏃

注曰謂矢族之入物者古亦作鏃○箋曰廣雅曰
鏃鏃也按鏃之言適也去此適彼也

鏃甲也从金豈聲

苦亥切

注曰甲本十干之首从木戴孚甲之象引申爲甲
冑字。箋曰周禮司甲鄭注甲今時鎧也疏曰古
用皮謂之甲今用金謂之鎧從金爲字也

釵臂鎧也从金干聲

庚肝切

注曰戰陣所用臂鎧謂之釵兩臂皆箸之。○箋曰
管子戒篇桓公弋在廩管仲隰朋朝公望二子弛
弓脫釵房注釵所以扞弰灝按臂鎧謂之釵因之
射時所箸臂韞亦以釵名卽禮射所謂遂詩所謂
拾也賈子春秋篇丈夫釋珎釵釵與釵同方言曰
矛鎧謂之釵廣韻曰釵釵金銀令相著亦作釵皆
別一義

鉦鉦鉦鉦也从金亞聲
鳥牙切

鉦鉦也从金段聲
手加切

注曰漢荆法志三屬之甲蘇林曰三屬者兜鍪也
盆領也髀褌也按盆疑當作益益領卽銳鉦○箋
曰甲之附身者曰鎧當臂者曰釘在脰者謂之鉦
鉦所傳各異也廣雅曰鉦鉦謂之鉦鉦語之轉也
類篇曰鉦又衣架切柔剛鐵也別一義

鉦車軸鐵也从金閒聲
古覓切

注曰釋名曰鉦閒也閒鉦軸之閒使不相摩也○
箋曰車轂中以鐵鑠傳之謂之鉦車軸亦以鐵鑠
裹之謂之鉦廣雅曰鑠鉦鑠也按鑠謂合沓相傳

著也

△缸車轂中鐵也从金工聲

古雙切

注曰釋名曰缸空也其中空也方言曰車缸燕齊海岱之閒謂之鍋或謂之鋸白關而西謂之缸○箋曰鍋鋸缸一語之轉也缸中空貫軸塗膏以利轉因之膏鐙謂之缸

𦉰車檜結也一曰銅生五色也从金折聲讀若誓

切

時制

注曰木部檜裏柱也古音堂今音丑庚切考工記注曰定讀如掌距之掌車掌之掌然則車檜漢人語也急就篇釋名作棠劉熙曰棠隙也在車兩旁

蹠轆使不得進卻也今按其結曰整其制未詳蓋
可以系車轆者一曰銅生五色如古銅器朱翠之
色

欽乘輿馬頭上防欽插以翟尾鐵翮象角所以防網
羅欽去之从金氣聲許黃切

注曰司馬彪輿服志乘輿駕六馬金釵方欽插翟
尾劉昭注引獨斷曰金釵者馬冠也高廣各五寸
上如五華形在馬髦前方欽鐵也廣數寸在馬釵
後後有三孔插翟尾其中又引顏延之幼誥曰欽
乘輿馬頭上防欽角所以防罔羅欽以翟尾鐵翮
象之也○箋曰欽防網羅朱詳其義乘輿之前豈

有網羅乎幼誥之文疑亦有脫誤

鑾人君乘車四馬鑣八鑾鈴象鸞鳥聲和則敬也从

金从鸞省聲

聲字依繫傳補洛官切

注曰每鑣二鑾四馬四鑣故八鑾也鑣者馬銜勒也爲鈴系於馬銜之兩邊聲中五音似鸞鳥故曰鑾秦風正義曰鸞和所在經無明文經解注引韓詩內傳曰鸞在衡和在軾又大戴禮保傳篇文與韓詩同蓼蕭毛傳在軾曰和在鑣曰鑾。箋曰商頌曰約軹錯衡八鸞鸛鸛韓詩戴禮以爲鸞在衡者蓋緣錯衡與八鸞文相屬因以誤會夫鑾系於鑣四馬故八鑾若在衡則不知所以置之矣且韓

詩傳曰升車則馬動馬動則鸞鳴鸞鳴則和應是
鸞系於馬明矣古通作鸞後乃从金作鑾阮太傳
集繪古銅和圖上半橢圓空中如兩輪形中含銅
丸望之離婁然搖之其丸鳴於兩輪中其聲鶴鶴
然下半長方形空其下口以冒車前軾兩柱之端
旁有孔以待橫貫使不致脫

鉞

車鑾聲也从金戊聲詩曰鑾聲鉞鉞

呼會切

注曰戊聲之字狀鸞聲殊不類疑古毛詩泮水本
作鉞鉞後乃變爲鉞字許所據作鉞戊聲當鼎臣
兄弟時說文鉞篆譌鉞故以呼會切之也○箋曰
玉篇云鉞于月切斧也亦作戊又鉞火外切鈴聲

二字音義各殊不容牽混小雅采芣篇鸛聲嘒嘒
泮水篇作噉噉此狀聲之詞本無定字後乃从金
歲聲作鑢玉篇云鈴聲卽鸛聲也集韻以鉞鑢爲
一字疑許書本篆作鉞或體作鉞傳寫奪鉞字後
人又改鉞爲鉞遂不可通耳鉞卽戊字相承增偏
旁鼎臣以鉞戊爲二字誤矣又按玉篇云鉞區律
切鉞鉞又云鉞辛律切鉞聲也蓋以鉞鉞二字合
爲鉞聲廣韻六術單出鉞字而訓爲鉞聲類篇集
韻皆承其誤類篇集韻又曰鉞鉞鎖處也

𨾏

馬頭飾也从金陽聲詩曰鈎膺鏐𨾏一曰鏐車輪

鐵

與章切

注曰詩大雅韓奕篇文鄭箋眉上曰錫刻金飾之
今當盧也○箋曰玉篇曰作馬面飾也周禮巾車
注錫馬面當盧刻金爲之所謂鏤錫也按錫與鏤

同說文無錫字

銍馬勒口中从金从行銍行馬者也

戶監切

注曰革部勒馬頭落銍也落謂絡其頭銍謂關其
口統謂之勒也○箋曰戴氏侗曰馬勒吻金也引
之則銍於吻而未茹者皆曰銍

鑣馬銍也从金熙聲

補嬌切

鑣或从角

注曰馬銍橫卣口中其兩耑外出者系以鑣鈴○
箋曰釋名曰銍在口中之言也鑣苞也在旁苞斂

其口也詩衛風碩人篇朱幘鑣鑣毛傳幘飾也人君以朱纏鑣扇汗且以爲飾釋文云鑣馬銜外鐵也一名扇汗又曰排沫爾雅云鑣謂之鑣說文以鑣爲幘之或體

𠂔組帶鐵也从金劫省聲讀若劫

居怯切

注曰組上疑當有馬字○箋曰去肱一聲之轉故肱𠂔並从去聲此作劫省聲後人所增卽劫亦以去爲聲也

鉞莖斫刀也从金夫聲

甫無切

注曰莖斫刀當作斫莖刀尹翁歸傳注作斫莖刀後漢馮魴傳注但云莖刀近是而尙奪字莖者斬

芻也斬芻之刀今之劊刀古多訓鈇爲榘質文選
冊魏公九錫文注引倉頡篇鈇榘質也范曄曰向
當榘質要待斧鉞斬人皆芻伏榘質也許此解當
云莖刀質也俗人不得其解因刪去質字耳。箋
曰後漢獻帝紀注馮魴傳注並引說文鈇莖刀也
公孫瓚傳及漢書戾太子傳揚雄傳注亦皆云莖
刀也此斫字疑衍尹翁歸傳注斫莖刀也蓋因史
文斫莖字而衍段氏據以改此作斫莖刀非是其
謂當云莖刀質也尤誤周禮掌戮鄭注斬以鈇鉞
若今要斬殺以刀刃若今棄市則鈇非榘質明矣
列子說符篇人有以鈇者意其鄰之子視其行步

竊鉄也。顏色竊鉄也。此謂盜其莖刀也。豈盜樅質乎？古書傳注未有以鉄爲樅者。其誤自呂忱始。李固傳注引字林云：鉄鎖樅也。此因鉄鎖連文致誤。若文選無魏公九錫文注引倉頡篇鉄樅質也，乃傳寫奪字。考獻帝紀注引倉頡篇曰：鉄斧也。則選注誤奪斧也。二字也。鉄蓋長刃，故鐸斬用之。古通作斧，故鉄鎖或偁斧鎖也。

鈞 鈞魚也从金勺聲

多嘯切

注曰：鈞者，曲金也。以曲金取魚，謂之鈞。○箋曰：玉篇鈞，鈞魚也。廣韻同類篇集韻並作鈞魚，當以鈞字爲是。

鑿羊箠有鐵从金執聲讀若至

脂利切

注曰箠者所以擊馬也因之擊羊者謂之羊箠其
箠有鐵故字从金○箋曰羊下奪車字竹部箠羊
車騶箠也箠箠其箠長半分與此音義同說見竹
部鄭眾注考工記曰羊車謂車羊門也釋名曰羊
車羊祥也祥善也善飾之車今犢車是也段謂擊
羊者謂之羊箠蓋誤此篆繫傳作鑿从執聲玉篇
云鑿先列切田器也榘也字亦从執以聲求之執
聲古音在齊部與內聲致聲同部執聲則在侵部
鑿與箠音義同而字又作鋌則似从執爲長玉篇
但云田器廣韻曰所以理苗殺草與許義異

銀鐙瑣也从金良聲魯當切

鐙銀鐙也从金當聲都郎切

注曰漢西域傳陰末赴琅當德謂以長鎖鎖趙德

也正文本無鎖字今本作鎖琅當殊為不辭錫俗

用為酒鎗字○箋曰銀鐙鐵鎖聲古但作琅當後

相承增金旁

鐵大瑣也瑣段訃作環一環貫二者从金每聲詩曰盧重

鉤莫格切

注曰齊風盧令篇盧重環盧重鉤毛傳重環子母

環也鉤一環貫二也大瑣當作大環玉篇廣韻皆

云大環用許之舊

𨾏銀鏗不平也从金畏聲烏賄切

𨾏銀鏗也从金壘聲洛猥切

注曰莊子有畏壘之山史記作畏累虛○箋曰玉

篇云銀鏗不平或作礪礪廣韵作銀鏗無鏗字亦

作萇萇又礪磊石兒又鄒郝不平又腰股肥兒媛

媛好兒殭殭不知人也𨾏𨾏行病皆一義相生其

倒語爲鏗鏗又聲轉爲𨾏𨾏爲𨾏𨾏廣韵𨾏亦作

胎都罪切今之常語也

𨾏怒戰也从金氣聲春秋傳曰諸侯敵王所鎡許既切

注曰春秋傳見左氏文四年鎡當作愾杜注愾恨

怒也

言部門戶金部金部
鋪箸門鋪首也从金甫聲

音胡切

注曰古者箸門爲巖形謂之椒圖是曰鋪首以金爲之則曰金鋪以青畫瑣文鏤中則曰青瑣見西京蜀都賦注○箋曰景福殿賦青瑣銀鋪李善注銀鋪以銀爲鋪首也

鋪所以鉤門戶樞也一曰治門戶器也从金巽聲

此綠切

注曰門戶樞有不利轉者以此鉤轉之○箋曰玉篇曰門鉤也按鋪以金爲之所以鉤持戶樞者今猶有之段說非也

鋪又取也从金少聲

楚交切

注曰今謂竊取人文字曰鈔。箋曰一切經音義二引通俗文遮取謂之抄掠古文抄剿二形今作鈔同段氏謂竊取文字卽掠取之義因之凡寫文字皆謂之鈔官文書又借爲寶鈔字

鎔以金有所冒也从金沓聲

他荅切

注曰漢外戚傳切皆銅沓黃金涂謂以銅冒門限以黃金涂銅也高注呂覽卮氏金距云以利鐵作假距沓其距上卽服注左傳以金鎔距也○箋曰廣雅曰鎔鎔鎔也此謂車軸當轂處裹之以金曰

鎔

鋸斷也从金昏聲

古活切

箋曰廣韵劓與鉈同古活切斷也

𦥑 𦥑也从金各聲

盧各切

注曰鬋髮也亦謂之鉈。箋曰今釋氏猶有鉈髮之語玉篇鉈古額切鉤也與許異廣韵十九鐸引說文鉈鬋也盧各切又二十陌云鉈陳公鉤也古伯切未詳其義

鎗 伐擊也从金亶聲

旨善切

箋曰玉篇云割也廣韵劓與鎗同擊也

鏃 利也从金族聲

作木切

注曰今用爲矢鏃之族。箋曰戴氏侗曰鏃鏃之細也孫愐以爲箭鏃非

鐵刺也从金夫聲

於決切

箋曰手部挾訓爲挑此訓爲刺其義雖別然大致

畧同

鐵利也从金款聲

所右切

注曰玉篇廣韻云鐵生鐵也此今義非古義○箋曰古無鑄字假鑄爲之其後又製本字類篇集韻並云鑄鐵上衣也或作鑄鑄按今粵俗亦謂鐵鑄爲銑讀若性

鐵殺也

力求切

注曰般庚重我民無盡劉君奭咸劉厥敵左傳成十三年虔劉我邊垂釋詁劉殺也書孔傳左杜注

同从金刀𠂔聲𠂔者古文酉也此篆二徐皆作鑷
別無劉篆楚金疑脫劉篆又疑鑷之𠂔下本作刀
轉寫譌田後說是也今更正篆文作𠂔以截斷眾
疑東漢一代持𠂔金刀之說謂東𠂔西金從東方
王於西此識緯鄙言也○箋曰許書偶奪劉篆當
依竹部劉水部劉之偏旁爲正而存鑷爲或體今
改篆作𠂔不成體勢且改田爲刀則仍是𠂔金刀
耳何如勿改之爲愈乎至𠂔金刀雖識緯之言而
其字之从𠂔不从酉則於此可見若是酉之古文
𠂔字豈有一代國姓舉世無人識之而皆言𠂔金
者乎𠂔𠂔二形本是一字其上畫或連或斷乃用

筆小異與酉之古文𠂔相似而實不同也兼詳列部

鋸業也賈人占鐸从金昏聲

原本篆作鐸从昏聲今正武巾切

箋曰賈人緡錢本作緡此漢時俗字从昏則唐人避諱所改也今依玉篇廣韵正

鉅大剛也从金巨聲

其呂切

注曰孫卿議兵篇宛鉅鐵鉤慘於蠶蠶史記禮書本之曰宛之鉅鐵施鑽如蠶蠶徐廣云大剛曰鉅

按引申爲鉅大字

鐸鐸鎡火齊从金唐聲

徒郎切

鐸鐸鎡也从金弟聲

杜兮切

注曰玉部玫瑰火齊也然則鍤錫卽玫瑰也廣韵
火齊似雲母重沓而開色黃赤似金出日南齊讀
去聲

鉞 吡圓也从金化聲

五禾切

注曰廣韵曰鉞利也去角也○箋曰今工匠治器

凡稜角利而圓之謂之摩圓卽鉞圓之語轉

錐 鐵之夷也从金柔聲

原作从柔柔亦聲今從繫傳耳由切

注曰夷猶便也便者弱也○箋曰謂鐵質之少柔

者也

錐 下垂也一曰千斤椎从金敦聲

都同切

注曰千斤椎若今眾舉以築地者是也秦始皇造

鐵鐵重不可勝刻作力士像以祭之鐵乃可移動
按下垂千斤椎二義皆鐵之餘義矛戟秘下銅鐃
下垂而重引申之爲此二義蓋後人分別增一篆
似刪之無不可者

鈍也从金周聲

徒刀切

注曰今俗謂挫抑人爲鈍鈍讀如刀○箋曰凡物
短而鈍者謂之周故鋼訓爲鈍韓非子說林篇鳥
有周周者重首而屈尾屈讀九勿切謂無尾也爾
雅鴈鵠鵠鵠與周同聲轉爲貂釋名云鰓貂也
貂短也江南取名短而廣安不傾危者也衣部曰
襦短衣也廣韵曰短短尾犬也並讀爲貂

鉞 銅也从金屯聲徒困切

注曰古亦假頓為之

鉞 利也从金束聲讀若齊祖奚切

注曰易旅九四得其資斧釋文云子夏傳及眾家作齊斧應劭云齊利也然則鉞為正字齊為假借

字

鉞 側意从金委聲女悲切

注曰錢即今之歪字唐人曰大邪

文一百九十七 重十三

鉞 兵器也从金瞿聲其俱切

鉞曰書顧命一人冕執瞿立于西垂孔傳瞿戟屬

正義引鄭注云蓋今三鋒矛據此知瞿卽鐸矣

鈕記也从金名聲莫經切

鈕曰鄭康成注儀禮既夕云今文銘皆作名據此則銘通作名其加金旁者蓋涉題勒鐘鼎也李注文選東京賦引字林曰銘題勒也漢碑有銘

鎖鐵鎖門鍵也从金貨聲蘇果切

鈕曰漢書王莽傳云民犯鑄錢伍人相坐沒入爲官奴婢其男子檻車兒女子步以鐵瑱琅當其頸傳詣鍾官知古通作瑱

金華也从金田聲待季切

鈕曰玉篇鈿金花也徒練切又音田廣韵三十二

釵釵寶釵以寶飾器也

釵臂環也从金川聲

尺絹切

釵曰古約臂亦名環文選曹子建詩皓腕約金環
李注環釵也疑卽釵之俗字集韻釵訓車約釵說
文釵訓車約釵是釵卽釵矣

釵鉞屬从金叉聲本只作叉此字後人所加楚切

鉞曰釵卽叉之俗字魚部鉞注云大如叉股亦作
叉之一證

釵裂也从金爪

昔擊切

釵曰釵當从辰方言鉞規裁也梁益之閒裁木器

曰鉞裂帛爲衣曰撝按一切經音義卷十四撝注云古文鉞版二形同音匹狄反破也據此知鉞通作撝

文七

新附

𠂔平也象二𠂔對構上平也凡𠂔之屬皆从𠂔

古賢切

注曰凡岐頭兩平曰𠂔禹貢道岍及岐許書無岍字蓋古祇名𠂔山必岐頭平起之山也𠂔从二𠂔古音仍讀如干何以證之籀文𠂔讀若刊小篆作𠂔然則干𠂔同音可知○箋曰𠂔上曲𠂔平頭筆迹小異如𠂔亦作𠂔也𠂔聲古音在元部寒韻之𠂔𠂔古音未變者也聲轉如堅先韻之𠂔𠂔𠂔

聲稍轉而仍相近者也又轉如涇青韻之鉗形是也又轉如箕齊韻之箕柎是也

文一

勺挹取也象形中有實與包同意凡勺之屬皆从勺

之若切段於篆下補料也二字

注曰料也二字依元應書卷四補木部料勺也考工記勺一升注曰勺尊斗也斗同料謂挹以注於尊之料也士冠禮注亦云尊斗所以斟酒也今皆譌尊升不可通矣勺是器名挹取者其用也當依篇韻時灼市若切大徐之若切非也○箋曰勺橫體象形中指所盛酒漿與皿同意許云與包同意

者包亦中有物也勺杓本一字相承增偏旁與酉部酌義近因用爲星之斗杓字而別其音

与 賜予也一勺爲与此与與同

余呂切

注曰一者推而與之猶以一推曰也今俗以與代与與黨與也从舛義取共舉不同与也○箋曰一与未見賜予意當以與爲正字与者與之省耳與从舛舉以予人也从日者容受之也段以與爲黨與非是

文二

几 踞几也象形周禮五几玉几雕几彤几髹几素几

凡几之屬皆从几

居履切

注曰踞當作居今正周禮五几春官司几筵文今本雕作彫繫作漆蓋許所據不同几俗作机左傳說机而不倚周易渙奔其机皆俗字○箋曰踞几段訂作居几是也居謂坐也坐所凭几也段以机字說文所無卽以爲俗耳

凭依几也从儿从任周書凭玉几讀若馮

皮冰切

注曰依者倚也凭玉几顧命文今書作憑衛包所改俗字古假借祇作馮凡馮依皆用之○箋曰从任几會意任猶載也

𠂔處也从尸得几而止孝經曰仲尼尻尻謂閒居如

此

九魚切

注曰引申之爲凡尻處字既以蹲居之字代尻別製踞爲蹲居字。箋曰尻古居字凭几而坐也从尸者人字橫體从几指事尻處卽字之本義非引申也孝經仲尼尻今本皆作居尻謂閒居如此六字淺人所贅居者古蹲踞字

𠂔止也得几而止从几从𠂔

昌與切

𠂔處或从𠂔聲

注曰今或體獨行轉謂處俗字。箋曰處者所止之處故从久謂行而止也

文四 重一

且薦也从几足有二橫一其下地也凡且之屬皆从

且

子余切又干也切

𠂔

古文以爲且又以爲几字

原本無古

文今據
繫傳補

注曰古言表德之字謂之且字蓋古者二十而冠祇云某甫五十而後以伯仲某甫者所以藉伯仲也○箋曰且古音讀與俎同假借爲語詞久而昧其本義又加久爲俎聲轉爲子余切詩言椒聊且遠條且其樂只且之類是也段說甚爲迂繆說詳通介堂經說又鍾鼎文祖字作且與此形同說見示部

俎
禮俎也从半肉在且上

訓呂

注曰魯頌傳大房半體之俎也按半體之俎者少牢禮上利升羊戴右胙下利升豕右胙戴於俎是

也故曰禮俎半部曰胖半體肉也久爲半肉字如
酋谷从半水字會意。箋曰久半肉形从且指事
兼聲非會意也半部之胖訓半體肉亦與此異許
以且俎爲一字後人分之

𡵓

且往也从且康聲

昨誤切

注曰且往言姑且往也勿遽之意。箋曰且無往
義疑从俎省玉篇作𡵓廣韵作𡵓皆誤

文三 重一

此二字據繫傳補

斤

斫木斧也

斧字據繫傳補

象形凡斤之屬皆从斤

舉欣切

注曰橫者象斧頭直者象柄其下象所斫木。箋
曰斧斤同物斤小於斧斤字又通作鉞釋名云鉞

謹也板廣不可得制削又有節則用此鉞之所以
詳謹令平滅斧迹也阮氏鐘鼎款識習鼎質字作
𠂔是𠂔象斤形小篆乃其變體段說未得其形也

𠂔 斫也从斤父聲

方矩切

箋曰詩豳風破斧毛傳隋盞曰斧按隋盞謂其盞
爲長圓形

斲 方盞斧也从斤𠂔聲詩曰又缺我斲

七羊切

注曰詩豳風破斧篇文七月篇毛傳斲方盞也

斲 擊也从斤石聲

之若切

箋曰石古音讀若爍故斲用爲聲

斲 斲也从斤句聲

其俱切

斲斲

段訂作斲斲也

从斤屬聲

陟玉切

注曰爾雅斲斲謂之定斲斲合二字成文斲之言

鉤也斲之言斲也○箋曰考工記鄭注引爾雅作

句櫛蓋斲本取句曲之義相承增斤旁櫛見木部

釋文謝崎音古侯鳩于二反當以古侯為正

斲

斲也从斤𠂔聲

𠂔字據繫傳補竹角切

𠂔斲或从𠂔畫聲

原本誤从畫今從段正

注曰𠂔大徐作从畫从𠂔篆體作𠂔今依玉篇正

畫聲猶斲聲也○箋曰戴氏侗曰斲木使應規巨

繩墨之謂斲斲按𠂔讀如斗故斲从𠂔聲而𠂔用

斲為聲蓋古音斲讀如鐸也鼎臣不知而妄刪聲

字韻从畫聲原本誤作靚段訂是也

斤斤齊斷也

繫傳無斷字

从斤金聲

切宜引

注曰劑者齊也此篆蓋讀若呻吟之吟其義謂以斤斧之屬制斷金鐵物也今俗間謂戾斷堅爲鉞

斷當卽此字

斤伐木聲也从斤戶聲詩曰伐木所

疏舉切

注曰伐木聲乃此字木義用爲處所者假借爲處字若王所行在所之類是也用爲分別之詞者又從處所之義引申之若子所否者所不與舅氏同心者之類是也詩小雅伐木首章伐木丁丁次章伐木許許作所所者聲相似蓋參用三家也丁

丁者斧斤聲所所則鋸聲也

斯析也从斤其聲詩曰斧以斯之

息移切

箋曰戴氏侗曰斯析之細也詩云墓門有棘斧以斯之借用有二其一爲辭助詩云螽斯羽又曰恩斯勤斯鬻子之閔斯其一與茲此同義聲相近也灝按詩陳風墓門篇文左氏哀元年傳釋文廝役字又作斯史記張耳陳餘傳集解引韋昭曰析薪爲廝按斯廝古今字也

斲斬也从斤昔聲

側略切

注曰斬者截也截者斲也斲用哀斲截用正

斲截也从斤从𠂔𠂔古文絕

徒玩切

𠂔古文斲从𠂔

說文解字注卷第十四 三
皂古文更字周書曰韶韶猗無他技𣎵亦古文

注曰今人斲物讀上聲物已斲讀去聲引申之義

為決斲書素誓文許所據壁中古文也

斲柯擊也从斤良聲來可切

注曰古音當讀如琅○箋曰玉篇但云擊也廣韻

作相擊也柯疑相之誤

新取木也从斤朮聲息鄰切

注曰取木者新之本義引申為凡始基之偁當作

从斤木辛聲○箋曰斫木見白新也凡物之易於

夏新者莫如木故取義焉因之伐木謂之新後又

加艸為薪

斤也从二斤

繫傳作二斤也闕語斤切

箋曰積古齋款識智鼎銘有斤字阮太傅曰質作所古省文灝按所蓋斧鑕本字从貝爲交質又加金旁爲斧鑕也智鼎之所蓋與質通繫傳本下有闕字蓋許闕其音語斤切依倣斤之字音爲之如岫之音所臻切林之音之壘切耳

文十五 重三

斗也象形有柄凡斗之屬皆从斗

當口切

注曰上象斗形下象其柄也。箋曰六書故引漢綏和壺文作斗孝成鼎文作斗皆古象形文小篆其變體也

斛 十斗也从斗角聲

胡谷切

箋曰古以十斗爲斛今法斛受五斗漢律厯志曰斛者角斗平多少之量也按角之言較也月令角斗甬鄭注角平也蓋較量而平之故曰角斗平多少之量

𣥂 玉爵也夏曰琖殷曰斚周曰爵从斗門象形

原作从𣥂

从斗曰象形今從段正

與爵同意或說斚受六升

古雅切

注曰从𣥂从斗曰象形當作从斗門象形二徐本

皆譌今正爵从𣥂从又而𣥂象形斚从斗而𣥂象形故曰同意○箋曰段訂是也古篆蓋作𣥂小篆變从𣥂耳明堂位曰爵夏后氏以琖殷以斚周以

爵鄭注罍畫禾稼也左氏昭七年傳賂以瑤璽玉
橫罍耳杜注罍耳玉爵孔疏曰言耳者蓋此器旁
有耳六書故引黃長睿曰三器之名殊其實一也
以其三足象戈故曰璽兩柱文似禾稼故曰罍形
若飛爵故曰爵罍比爵但無喙尾此爲異耳灝按
戈無三足黃氏蓋以古戈字作斗故云爾璽之形
大抵與爵相類其流似戈之援其後差短似戈之
內前曲似戈之胡也罍受六升經無明文蓋由釁
五升以次差之

量也从斗米在其中讀若遼

洛蕭切

注曰量者稱輕重也稱其輕重曰量稱其多少曰

料其義一也。○箋曰：料者用斗量米，从斗从米，指事。料量多少為用，因之有物料之稱。又引申為料度料理之義。廣韻落簫切，又郎弔切。

𥽿

量也从斗與聲。周禮曰：黍三𥽿。

黍原本誤作求，今從段訂以主切。

注曰：黍各本譌求。今正。周禮考工記弓人：文鄭注：𥽿輕重未聞，許亦但云量也。○箋曰：𥽿與庾音同。

義異說詳广部

𥽿

𥽿柄也从斗𣎵聲。揚雄杜林說：皆以為輶車輪𥽿。

鳥括切

注曰：匡謬正俗云：𥽿音筦，不音鳥括。反引陸士衡：思賦為證。按其字𣎵聲，則顏說是也。音轉為鳥。

括切漢志揚雄倉頡訓纂一篇杜林倉頡訓纂倉
頡故各一篇輶車者小車也小車之輪曰幹亦取
善轉運之意○箋曰戴氏侗曰幹旋斗也引之則
凡旋運者皆曰幹灝按方言蠶或謂之瓢郭注瓢
勺也蓋勺長柄蠶瓢似之因有蠶柄之稱幹形相
類故亦謂之蠶柄也張茂先勵志詩太儀幹運蓋
謂天體旋轉與楚辭天問幹維焉繫語意略同幹
運正指北斗之旋考工記鳧氏鍾懸謂之旋旋蟲
謂之幹亦以旋轉名之程氏瑤田謂幹當爲幹是
也幹訓蠶柄鍾之旋蟲謂之幹故亦謂之蠶孟子
之追蠡卽指旋蟲而言詳見通介堂經說又按輶

車輪幹之幹疑指車轄言幹讀曰管管轄義同耳

𣪠

羹斗也从斗鬼聲

苦回切

注曰抒羹之勺也史記趙襄子使廚人操銅料以食代王及從者行斟斟者羹汁也魁頭大而柄長毛詩傳曰大斗長三尺是也引申之凡物大皆曰魁如橈弓不為魁游俠傳閭里之俠原涉為魁翟方進傳芋魁百官志里有里魁皆是北方七星魁方杓曲魁象首杓象柄也若國語注小阜曰魁即自字之假借亦未嘗不取斗首之意

𣪠

平斗斛也从斗聿聲

古岳切

注曰月令角斗甬正權槩鄭注角正皆謂平之也

角者斟之假借字今俗謂之校音如教

斟 勻也从斗甚聲

職淡切

注曰勻玉篇廣韻作酌勻之謂之斟引申之盛於
勻者亦謂之斟方言斟汁也北燕朝鮮洌水之閒
曰斟左傳羊斟不與趙世家張儀列傳廚人進斟
是也又引申之凡增益謂之斟方言斟益也南楚
凡相益而又少謂之不斟凡病少愈而加劇亦謂
之不斟或謂之何斟言雖少損無所益也勻之斟
之多少在己故凡處分曰斟酌

𢶏 扌也

扌原本誤从木今從扌正

从斗余聲讀若茶

似嗟切

注曰手部扌者挹也凡以斗挹出之謂之斜故字

言部
从斗音轉義移乃用爲裏俗人乃以人之裏正作
邪物之裏正作斜其可收有如此者讀若茶當作
余今似嗟切古音在魚部

𣶒

挹也从斗𣶒聲

舉朱切

箋曰士冠禮注勺尊升所以斟酒也喪大記釋文
云斟水斗也引何氏隱義云容四升張衡思元賦
斟白水以爲漿舊注斟酌也𣶒从二目今書傳多
譌爲𣶒蓋世俗多見𣶒少見𣶒耳

𣶒

量物分半也从斗从半半亦聲

博帳切

注曰量之而分其半故字从斗半漢書士卒食半
菽孟康曰半五斗器名也王邵曰言半量器名容

半升也今按半卽斜也廣韵料注五升然則孟康語升誤斗王邵語斗誤升當改正字从半斗卽以五升釋之許意不爾

𣶒

量溢也从斗

旁聲

音郎切

箋曰繫傳云量物溢也按玉篇亦但云量溢此不

須有物字

𣶒

杼漏也

漏原本誤作

从斗

絲聲

俱願切

注曰漏各本誤作滿今正一切經音義四引說文杼杼漏也又引通俗文汲取曰杼○箋曰今厨人所用鐵器如勺挹之湯中取羹爲多孔以漏去湯水者卽是物也

𥂏

相易物俱等爲斛从斗蜀聲

昌六切

箋曰錢氏坵曰今人易物等平云對者卽此字也

玉篇廣韵皆丁豆切繫傳無此篆

斛

斛旁有斛从斗厶聲一曰突也一曰利也尔疋曰

斛謂之𥂏古田器也

土雕切

注曰漢律厯志曰量者侖合升斗斛也其法用銅方尺而圓其外旁有斛焉劉徽注九章算術曰晉武庫中所作銅斛其篆書字題斛旁云律嘉量斛方一尺而圓其外斛旁九釐五豪畧一百六十二寸深一尺積一千六百二十寸容十斗按厯字不見於許書蓋卽宛之異體今篆體去其首筆非是

爾雅釋文玉篇廣韻皆作斛○箋曰斛旁有斛謂其內兩旁有凹如銚缶起土者然故謂之銚因量器而別製斛字从斗庀聲今說文無庀蓋佚之耳爾雅曰斛謂之銚則銚缶之假借也一曰利卽銚之義一曰突疑突之譌舊說斛旁九釐五豪蓋寫奪三寸二字古斛積一千六百二十寸開立方得每邊一尺二寸七分二釐強今斛深闊各一尺其長須一尺六寸一分九釐強乃合故於兩旁各斛三寸九釐五豪以符其數也

利十龠也从斗亦象形

識蒸切

注曰十合誤作十龠斛左耳爲升右耳爲合以

象耳形也亦字衍古經傳登多作升古文假借也

文十七

𠄎 𠄎也建於兵車長二丈象形凡𠄎之屬皆从𠄎

莫浮切

𠄎 古文𠄎从戈

注曰考工記𠄎𠄎常有四尺夷𠄎三尋鄭注𠄎夷

長短𠄎之言適也○箋曰繫傳曰𠄎𠄎也入其上

所注旄屬灝按太平御覽兵部引諸葛亮集曰勅

作部皆作五折剛鋌十折𠄎以給之又引趙書謠

曰騾驄馬鐵鏤鞍丈八蛇𠄎左右盤蓋𠄎刃曲折

故謂之蛇𠄎𠄎象形旄卽其飾魯頌朱英綠騰鄭

風二𠄎重英是也方言曰𠄎吳揚江淮南楚五湖

之間謂之鋌或謂之鋌或謂之鋌金部鋌小矛也
蓋鋌者延也言其有蜿蜒之勢也延與施義近施
者透迤裏行之貌透迤猶宛延也故或謂之鋌矣
秦風公矛蓋鐔傳云公三隅矛也三隅猶三廉疑
公矛卽會矛夷矛卽鋌也

𠄎矛屬从矛良聲

魯當切

箋曰廣雅曰𠄎𠄎𠄎也方言𠄎謂之𠄎郭注今江
東呼大矛爲𠄎廣韻𠄎短矛也

𠄎矛屬从矛害聲

苦蓋切

箋曰說見上

𠄎矛屬从矛咎聲讀若𠄎

土革切

注曰魯語猗魚鼈以爲夏槁韋注猗撥也此猗字
引申之義周禮作猗魚鼈注謂杈刺泥中搏取之
莊子擲鼈於江東京賦毒冒不族皆音近義同○
箋曰猗與稍同今字作掣釋名云矛長丈八尺曰
稍馬上所持言其稍稍便殺也昔古音讀若朔凡
昔聲之字多入藥鐸韵竿蓋亦讀如作孫音士革
切聲轉也

𢇛

矛柄也从矛令聲

居陵切又巨巾切原本篆作𢇛今聲今從段正

注曰方言曰矛其柄謂之矜矜本謂矛柄胡字从
矛令聲引申爲戈戟柄古音在眞部毛詩與天臻
民甸填等字韵讀如鄰故假矜爲憐各本篆作矜

解云今聲今依漢石經論語溧水校官碑魏受禪
表皆作矜正之。○箋曰矜人手所持因有矜持之
義而引申爲自矜又爲矜憐矜夸矜危矜式皆展
轉相生也字別作矜古音令聲在眞部唐韵聲轉
入青故矜亦入蒸惟矜入眞韵不誤若从今聲則
是侵韵中字矣此不可不亟辨也

紉刺也从矛丑聲

女久切

箋曰未詳玉篇女六切今粵語謂執仗刺人曰紉
正用女六切之音


文六 重一

車輿輪之總名夏后時奚仲所造象形凡車之屬皆

从車

尺遮切

𨋖 籀文車

注曰釋名曰古者曰車聲如居言行所以居人也
今日車聲近舍行者所處若屋舍也韋昭曰古惟
尺遮切自漢以來始有居音按三國時尙有歌無
麻遮字祇在魚歌韻內非如今音也象兩輪一軸
一輿之形橫視之乃得○箋曰段以二畫象輪一
直畫象軸其中方之以象軫取義迂晦車輪圖體
其象至顯古人未有舍所易見而象其難知者古
鐘鼎文多作圓形絕無方體當作象形橫視之
也太平御覽車部引釋名曰黃帝造車故號軒轅
氏左氏定元年傳曰薛之皇祖奚仲居薛以爲夏

車正許言奚仲造車蓋本此然奚仲爲夏禹掌車服大夫非其創始也籀文从重車重戈戈者兵車所建也

軒曲輶藩車从車干聲

虛言切

注曰服虔注左傳薛綜解東京賦劉昭注輿服志皆云車有藩曰軒皆同許說凡軒舉之義引申於此○箋曰藩蔽也蓋車之左右有窗後有勞蔽而虛其前面故樂縣三面謂之軒縣劉逵注蜀都賦曰高軒堂左右長廊之有牕者亦以其似軒車而名之也因之窗櫺闌檻皆謂之軒軒車前高故云曲輶然實不以此也

輜

輜車

衣車也

輜車前衣也

輜車後為輜原作輜車前衣車後

也今從

從車

齒聲切

輶

輶車

輶車也

輶車并聲

薄丁切

注曰輶輶衣車也五字依定九年左傳正義所引

下九字依文選任彥昇策秀才文劉孝標廣絕交

論二注所引衣車謂有衣蔽之車又輶篆下各本

解作輶車亦誤今依全書通例正之○箋曰釋名

曰輶車載輶重臥息其中之車也輶廁也所載衣

物雜廁其中也輶車輶屏也四面屏蔽婦人所乘

牛車也輶輶之形同有邸曰輶無邸曰輶周禮掌

次設皇邸鄭司農云邸後版也列女傳齊孝孟姬

曰妾聞妃后踰闕必乘安車轎輶今立車無輶非
所敢受命也又兵車亦謂之輶車周禮車僕掌萃
車之萃鄭注萃猶屏也所用對敵自蔽隱之車也
故書萃作平杜子春云平車當作輶車

輶

臥車也从車盪聲

烏魂切

輶

臥車也从車京聲

呂張切

注曰漢書霍光傳載先尸柩以輶輶車孟康曰如

衣車有窗牖閉之則溫開之則涼故名之輶輶車

顏師古曰輶輶本安車也可以臥息後因載喪飾

以柳絮故遂爲喪車耳○箋曰此當作輶輶臥車

也史記秦始皇紀棺載輶涼車中涼與輶同析言

之或單呼曰輶曰輶韓非子外儲說云有乘輶車
至李史門者宋玉九辯曰前輕輶之鏘鏘兮後輶
乘之從從

輶小車也从車召聲

以招切

注曰漢平帝紀立輶併馬服虔曰立輶立乘小車

也○箋曰釋名曰輶車輶遙也四向望遠之車也

輕車也从車至聲

去盈切

注曰周禮輕車之萃鄭曰輕車所用馳敵致師之

車也漢之發材官輕車亦謂兵車輕本車名故字

从車引申爲凡輕重之偁作音皆入以輕之輕車

讀遣政反古無是分別矣○箋曰車載衣物謂之

輜重其無所載者謂之輕車假借為輕重字遂不

複製本字

輜輕車也从車會聲詩曰輜車鑿鑿以周切

注曰詩秦風駟鐵文毛傳輜輕也引申為凡輕之
稱故曰德輜如毛○箋曰輜為輕車名故使者乘
之謂之輜軒

輜兵車也兵段訂从車朋聲薄庚切

注曰兵當作樓今正光武紀衝輜撞城李賢引許

慎云輜樓車也○箋曰輜車兵家所用故曰兵車

玉篇亦曰兵車也即本於說文

輜兵車也从車屯聲徒魂切

注曰輶車見左傳宣十二年襄十一年服虔曰屯守之車○箋曰釋名曰輶車戎者所乘也

輶陷陳車也从車童聲

尺容切

注曰陳者列也見支部俗作陣大雅與爾臨衝傳曰臨臨車也衝衝車也釋文曰說文作輶

輶

兵高車加巢

段訂作兵車高如巢

以望敵也从車巢聲春秋

傳曰楚子登輶車

鈕交切

注曰左傳正義引兵高車加巢以望敵與釋文及

今本不同今本爲長篇韵皆云若巢亦今本也○

箋曰左氏成十六年傳楚子登巢車以望晉軍釋文云說文作輶兵車高如巢以望敵也似長於今

本段氏既依釋文以改本書而又云今本爲長率
筆之誤也

輿車輿也从車舁聲

以諸切

箋曰輿之言舁也人所載以行陸者也字又作輿
易說卦傳坤爲大舉爲眾因之有輿地之備而輿
又訓爲眾左氏僖二十八年傳聽輿人之謀杜注
輿眾也是也蓋坤厚載物輿之象也所載物多眾
之義也國都稱京師京大也師眾也是地也而以
人爲備故坤爲眾而眾謂之輿矣

輶車和輶也

役訂作車輿也

从車耳聲

秦入切

注曰各本作車和輶也大誤列子湯問篇釋文引

說文輯車輿也殷氏所見未誤今正太元磧上九
崇崇高山下有川波其人有輯航可與過測曰高
山大川不輯航不克也此輯謂輿山必輿川必航
而後可過是古義見於子雲之書非無可徵也輿
之中無所不居無所不載因引申爲斂義喪大記
檀弓之輯杖輯屨是也又爲和義爾雅曰輯和也
引申義行本義遂廢淺人少可多怪改易許書此
字从車之指遂不可得而聞矣。箋曰列子云齊
輯乎轡銜之際而急緩平肩吻之和所言齊輯乃
輯之本義與許車和輯也之訓正合殷敬順所引
說文作輯車輿也亦是解爲和輯非以輯爲車名

太元云輯航可過謂濟川非謂登山故范望注云
川波之險須輯航而濟之段氏未加審諦率改許
書而反以害人乖僻甚矣其調輿之引申爲斂亦
非也無所不居無所不載者莫若宮室曷不引申
爲斂義乎輯之本義謂車之和輯猶言調習也引
申爲凡和輯之偁又爲斂輯之義豈輿之引申乎
輿衣車蓋也从車𨔵聲

莫半切

注曰衣車上文之輻輳是也四圍爲衣上爲蓋皆
以蔽輿集韻云一曰戰車以遮矢也

輶車軾前也从車凡聲周禮曰立當前軾

音範

注曰杜子春注大馭職鄭司農注輶人後鄭注少

儀皆曰軌謂車軌前也秦風陰鞠箋續傳曰陰揜軌也戴先生云車旁曰軌式前曰軌皆揜輿版也考工記轉人軌前十尺書或作軌周禮大行人上公立當車軌侯伯立當前侯子男立當車衡前侯自唐石經已下皆譌作前疾而詩小雅疏論語疏皆作前侯不誤此偶前軌從來謂前侯之異文今按非也蓋周禮車軌本作前軌自車軌以至車衡八尺幾半而前侯介其中其相去尺寸之差也若作車軌則自軌至前侯凡七尺五寸有餘而自前侯距衡四尺有餘而已恐非也許引周禮軌字爲是軌乃字形之誤若侯誤爲軌聲形皆無當也

箋曰前侯卽前軛也軛自輿底出而上又曲而嚮
前以至前衡其曲處如人之喉故曰前侯侯卽在
軛前故周禮作前侯而許所見本作前軛非傳寫
誤侯爲軛也段說失之若以尺寸之差而言則上
公立當車軛侯伯立當前軛子男立當前衡固略
相準矣至戴氏震以軛爲揜與版亦誤阮氏車制
圖解曰軛在輿之前軫下正中畧如伏兔爲半規
形以圍軾身故左右轉戾不致敗折范範字通所
以範圍軾身使不過也陰版揜輿前空處下垂至
軾竝軛揜之

軾車前也从車式聲

賞職切

箋曰釋名曰軾式也所伏以式所敬者也考工記
曰參分車廣去一以爲隧參分其隧一在前二在
後以揉其式蓋車廣六尺六寸濊四尺四寸參分
之其一在前者一尺四寸三分寸之二爲軾之左
右折而向內之處二在後者二尺九寸三分寸之
一爲轆較所立處鄭注兵車式高三尺三寸式圍
七寸三分寸之一是也字本作式相承增車旁

輅車輪前橫木也从車各聲

洛故切

注曰婁敬傳脫輓輅蘇林曰輅音陳洛之洛一木
橫遮車前二人挽之一人推之禮經既夕篇賓奉
幣由馬西當前輅鄭注輅輅縛所以屬引疏曰謂

以木縛車轅上以屬引於上而挽之此字當依蘇
林孟康廣韵音胡格反乃合若近代用輅爲路車
字其淺俗不足道也○箋曰輅字疑衍輅者車輹
閒橫木輅不得言輅前也

輅

車轅上曲鉤也

原作車轅上曲銅也今從段正

从車爻聲

古岳切

注曰各本作車轅上曲銅也今依李善西京賦七
啟二注正輅今字作較○箋曰輿前橫木謂之軾
左右兩廂謂之輹輹上謂之較鄭注考工記曰較
兩輹上出式者是也依考工尺度軾高三尺三寸
較高五尺五寸較與輹相交合而出於軾上故謂
之較較之言交也篆文作較爻亦交也又讀若角

如兩角然也較與軾高下相差而計較之義生焉
較反出轡外狀如兩耳故謂之取取耳下垂也亦
謂之輶輶者反出向外也其曲如鉤故許云轡上
曲鉤矣衛風有重較蓋於左右各爲兩較而重較
下於元較一等詳見通介堂經說

輶車耳反出也从車反聲

府遠切

注曰車耳卽輶也其反出者謂之輶漢景帝詔令
長吏二千石車朱兩轡千石至六百石朱左轡應
劭曰車耳反出所以爲之藩屏翳塵泥也此說師
古非之轡與輶兩物兩字轡自謂車蔽不得以車
耳釋之

輶車橫輶也从車對聲周書曰參分輶圍去一以爲

輶圍追萃切

注曰考工記參分較圍去一以爲輶圍參分輶圍去一以爲輶圍鄭注兵車之輶圍三寸二十七分寸之七輶圍二寸八十一分寸之十四輶輶之植者衡者輶式之植者衡者也鄭司農云立者爲輶橫者爲輶書輶或作輶元謂輶者以其鄉人爲名又按木部橫下曰闌木也橫訓闌則直者衡者皆在內矣漢人從衡字祇作衡不作橫橫者桄也○箋曰式圍七寸三分較圍五寸少弱輶圍三寸輶圍二寸皆有奇車輪縱衡相交其圍徑當大小齊

一先鄭以立者爲韉橫者爲軹似未合後鄭植者
衡者同名是也然式圍大於較而韉圍小於軹以
軹屬較以韉屬式尙覺相懸若互易之則大小相
差稍有次序康成以韉从對爲嚮人之義屬之軹
下竊謂當屬之軹兩旁相對故謂之軹耳韉屬軹
則在軹下者爲軹矣又轡亦名軹

軹車旁也从車奇聲

於綺切

注曰謂車兩旁式之後較之下也注家謂之軹言
人所倚也軹上曰較○箋曰說見前較下

軹車兩軹也从車耳聲

陟業切

箋曰兩軹當作兩較疑尙有奪字較上反出如兩

耳故謂之輓耳垂也假借爲語詞

輓車約輓也从車川聲周禮曰孤乘夏輓一曰下棺

車曰輓

輓倫切

注曰周禮巾車孤乘夏篆卿乘夏綬鄭注曰鄭司農云夏赤也篆讀爲圭珠之珠夏篆轂有約也元謂夏篆五采畫轂約也夏綬亦五采畫無珠爾玉裁謂鄭說夏珠卽詩之約軹毛公所謂長轂之軹朱而約之也但許君篆作輓系之輿以約軹系之轂與二鄭迥異許意蓋謂輶輶輶等皆有物纏束之謂之約輓一曰下棺車者禮經有輶車玉篇廣韵皆謂輶輶同字○箋曰段氏專以篆之次第爲

據恐不足憑此書多爲後人羈亂非盡許君之舊也其謂轆轤皆有纏束亦屬臆說

轆

車籍交錯也从車齊聲

所力切

注曰錯當作革李善七發注顏師古急就篇注作交革今從之車籍當作車箱七發注急就篇注及廣韵竝作車籍皆不可通今以意正之○箋曰籍當作藉卽周禮巾車所謂焚蔽齊風載驅所謂簞笓朱轆也段臆改爲車箱交革非是大夫以上革執輿則無革者其常也不得但言革且焚蔽故曰交錯而引申爲結轆之偶耳

轆

車轆閒橫木从車令聲

郎丁切

輶轆或从雷司馬

相如說

注曰戴先生曰輶者輶較下縱橫木總名卽考工記之輶輶也○箋曰橫猶枕也令需古宇通故或作輶卽窗輶之義

輶 輶車前橫木也从車君聲讀若羣又讀若揮牛尹切

箋曰車前橫木卽上文所謂輶也輶車亦小車或以人挽之故方言曰輶謂之軸

軫 車後橫木也从車參聲之忍切

注曰戴先生曰輿下之材合而成方通名曰軫鄭注專以輿後橫木爲軫殆非也○箋曰戴氏侗曰軾乃輿四面木匡合成輿獨以爲輿後橫木者誤

也考王記曰軫之方也以象地也又曰六尺六寸之輪軹崇三尺有三寸加軫與轆焉四尺也又曰輪人爲蓋弓長六尺謂之底軹五尺謂之底軹四尺謂之底軹使軹獨爲輿後橫木則不得言方以象地且軫之兩旁木加於轆轆加於軸故曰加軫與轆爲四尺若輿後橫木安能加轆軸之上乎且底軹底輪底軹皆指左右兩旁而言非指輿後明矣康成以任正爲輿下三面材持車正者故獨以軹爲輿後橫木也灝按戴說精確不易許鄭以爲輿後橫木乃誤會左氏之文昭二十一年傳張弓抽受而下子成射之折股勾扶服而擊之折軹此

但指輿後一面而渾言之阮太傅曰輿左右前三面皆有版人所不常指名所指名為軫者唯輿後耳

輶車伏兔也从車美聲周禮曰加軫與輶焉

博木切

注曰戴先生云伏兔謂之輶釋名履似人履也又曰伏兔在軸上似之也又曰輶輶伏也伏於軸上也按輶輶實一字其下有革以縛於軸今易小畜作輻係傳寫者誤輻在穀與身之間非可脫者玉裁謂釋名合輶於伏兔非也○箋曰周禮考工記文鄭司農云輶讀爲旃僕之僕謂伏兔也瀨按輶卽伏兔之合聲輶與輶音義同易小畜九三輿說

輶正義引鄭注云輶謂輿下縛木與軸相連鉤心之木也子夏傳云輶車殿也鉤心從輿心下鉤軸也蓋輶在輿底軫下爲半規形與軸相銜狀似伏兔又與履齒相類故因名焉亦謂之鉤心戴氏震謂輶輶實一字今易作輻者傳寫之誤是也段謂釋名合輶於伏兔非是蓋有未審

輶車伏兔下革也从車慶聲慶古昏字讀若閑解韻切

注曰讀若閑者謂縛之絲密也○箋曰伏兔以革

固之謂之輶

軸持輪也从車由聲直六切

注曰軸所以持輪引申爲凡機樞之偁若織機之

持經者亦謂之軸是也。○箋曰考工記曰五分其軫間以其一爲之軸圍鄭注軸圍亦一尺三寸五分寸之一與衡任相應釋名曰軸抽也入轂中可抽出也軸古音如胃故从由聲今楚音尙然鼎臣不知而以爲當从胃省

輶車軸縛也从車𠂔聲易曰輿脫輶

芳六切

注曰古者束輶曰輶曰𨔵錄束軸曰輶亦曰輶輶束著於外故詩著其數軸束隱於輿下故不知其數。○箋曰段說誤也輿下之束只有轂之約輶與伏兔之輶他所未聞其謂束軸亦曰輶並非輶卽輶之異文耳輶古音如僕與輶音義同說見前許

言字角部
分爲二字二義殆失之

輶礙車也从車刃聲

而振切此篆繫傳在輶下

注曰離騷朝發輶於蒼梧王逸曰輶支輪木也此篆大徐在輶篆之前者輶篆下輶譌作輶遂先之以輶也或曰許本有輶篆解曰車輶也在輶篆之上今輶篆卽輶之誤然許有輶篆諸家引之疑未能明也○箋曰許書輶篆本在下文輶之次因輶誤爲輶淺人乃以下文輶篆爲重出而刪之耳

輶

車輶也

輶原本譌作輶今從繫傳

从車柔聲

人九切

注曰車輶者輪邊圍繞如网然身亦作朽木部朽一曰車网會也所以名身者合眾曲而爲之如雜

佩之身亦曲體也。○箋曰考工記曰身也者以爲固抱也。鄭司農云身謂輪輻也。世閒或謂之网書或作輻釋名曰輻网也。网羅周輪之外也。關西曰輻言曲揉也。

輦車輻規也。一曰一輪車。从車熒省聲。讀若熒。

張營切

注曰考工記曰規之以眡其圓。甚之以眡其匡。鄭注輪中規則圓矣。等爲萬蓰以運輪上輪中萬蓰則不匡刺也。○箋曰萬蓰者蓋以草繩結爲大環規於輪外運轉而眡之以知其周正。車輻規非其物也。蓋車輻者合眾曲而爲之。故作此器以爲之準。乃能合成大圓而無過不及之患。輦之言營也。

營猶環也亦言焚獨也故一輪車名之

輶輻所湊也从車設聲

古祿切

注曰老子曰三十輻共一轂轂中空曰櫟見木部

○箋曰輪心爲轂其外周謂之牙圍所以置輻者

也

輶轂齊等兒从車昆聲周禮曰望其轂欲其輶

古本切

注曰輶者轂勻整之兒也○箋曰考工記曰望其

轂欲其眼也鄭注眼出大兒與許異輶蓋謂其昆

侖圓整也

軹長轂之軹也以朱約之从車氏聲詩曰約軹錯衡

渠支切

軹軹或从革

注曰詩小雅采芑商頌烈祖文毛傳軹長轂之軹也朱而約之錯衡文衡也○箋曰轂上置輻前後皆以革約而朱飾之謂之軹軹或作軹指革而言也氏者側出之義轂在輿之兩旁故謂之軹也錯衡者衡上有革交錯縛之革部轡車衡三束是也蓋衡之中與軹耑縱橫相接處爲一束服馬之兩軹各爲一束小戎之五檠非常制也

軹車轂小穿也

轂原本作輪今從段正

从車只聲

諸氏切

注曰考工記曰五分其轂之長去一以爲賢去三以爲軹鄭司農云賢大穿也軹小穿也後鄭又改記文作去二爲賢程氏辨其非是詳見通藝錄許

同先鄭○箋曰康成謂去一當爲去二良是唯以爲轂徑失之此言賢軹之濇長非言其圍徑也五分轂長去二以爲大穿之長其徑與軸同去三以爲小穿之長則徑與軸俱少殺也賢在內軹在外置輻當賢上前後皆以革約之段氏謂一爲賢三爲軹虛一以置輻非也轂中貫軸直出於外何處爲虛平餘詳通介堂經說軹又爲車輪中軹榘之名說見前

車軸耑也从車象形杜林說

于濇切

軹事或从彗

注曰周禮大馭祭兩軹故書軹爲軹或讀軹爲簪筭之筭蓋兩耑有鐵轄以鍵之如筭之出髮也

象軸耑之孔而以車之中直象軸之出於外○箋曰轂之小穿曰軹軸末貫轄之孔曰害或合二義爲一非也段說害之字形猶有未達害从車建類从○象形凡象形文加偏旁者不得合以爲形也

輻輪輳也从車畐聲

方六切

箋曰考工記曰望其輻欲其掣爾而織也進而眊之欲其肉稱也老子曰三十輻共一轂按輻之柄入牙者謂之蚤入轂者謂之替

輳蓋弓也一曰輻也从車賡聲

盧詰切

注曰考工記輪人爲蓋弓鄭注弓蓋橑也○箋曰橑輳古字通木部橑橑也釋名曰輳蓋叉也如屋

構橈也按蓋弓之蚤與屋椽相類故謂之轆而輪

輻亦因以名之

輶車輶也从車大聲特計切

注曰玉篇廣韵皆云車輶輶皆輶之誤○箋曰方

言輶輶鍊鑄也關之東西曰輶南楚曰輶趙魏之

閒曰鍊鑄離騷馳玉輶而竝馳王逸注輶鋼也輶

通作鈇廣雅鍊鑄鈇輶也按路舛鉗謂之鈇故輶

耑錯亦謂之輶皆鈇制義也

輶輶端脊也脊繫傳从車官聲古滿切

注曰錯者以金有所冒也輶孔之裏以金裏之曰

鈇輶孔之外以金表之曰輶

輶 輶也从車袁聲

兩元切

箋曰釋名曰輶援也車之大援也按援引也引車以行者也穀梁昭八年傳置旃以爲輶門范注輶門叩車以其輶表門

輶 輶也从車舟聲

張流切

輶 輶籀文輶

注曰考工記輶人爲輶車人爲大車之援是輶與輶別也許渾言之者通偏則一也○箋曰大車崇三柯輪徑九尺而輶三其輪崇此平地任載之車故特大而兵車乘車非小車也其輶通謂之輶何注公羊僖元年傳謂輶爲小車輶非是釋名云輶句也輶上句也蓋以其句曲而名之

輶直輶車轡也从車具聲

居玉切

注曰韵會作直輶車無轡字爲是此列字次第應論車輶不應論衡縛也具古音如舊

輶車輶耑持衡者从車元聲

魚厥切

注曰衡以施輶駕馬者也持衡者曰輶戴先生曰大車鬲以駕牛小車衡以駕馬輶耑持鬲其關鍵名輶耑耑持衡其關鍵名輶耑輶所以引車必施輶輶然後行信之在人亦交接相持之關鍵故孔子以輶輶喻信○箋曰玉篇廣韵竝云輶車輶耑曲木也蓋於輶耑爲曲木以持衡大車謂之輶小車謂之輶戴以爲關鍵恐非也輶當讀如雌霓之

寬與軌聲相轉从元之字或从兀說見一部元下

輶輶前也从車尾聲

於革切

箋曰輶前下疑有奪字隸作輶木部桶大車柄也

輶與輶同

輶輶也从車軍聲

平昆切

注曰輶輶之異名曰輶輶之言圍也下圍馬頸也

輶輶下曲者从車句聲

古侯切

注曰釋名曰桶輶也所以扼牛頸也馬曰鳥啄下

向又馬頸似鳥開口向下啄物時也○箋曰輶者

輶下之曲句也

輶車衡載轡者从車義聲

魚綺切

輶輶

輶或从金从獻

獻

注曰爾雅釋器鑣謂之鑣載轡謂之轡郭注車輓
上環轡所貫也○箋曰輓上爲環所以貫轡車將
發則載轡以行因之繫舟亦謂之鑣廣韵曰鑣整
舟向岸也蓋舟有維繫亦若車之載轡矣許以鑣
爲轡之或體與爾雅義異

輓

馬內轡繫軾前者从車內聲詩曰決以艘輓奴切

注曰詩秦風小戎篇文毛傳輓駟內轡也○箋曰
兩駟之內轡貫於輓上大環引至軾前與繫軾之
鞅出陰版上者相續故曰陰鞅蓋續軾下有環以
貫之卽所謂輓也別有游環繫於服馬背上駟馬

之外轡買之與服馬四轡皆爲人手所執故曰六轡在手游環缺其一段而曲垂於外故曰缺環卽所謂轡也說詳通介堂經說

𨋖車搖也从車从行一曰衍省聲古絢切

注曰未聞以篆之次第詳之當亦謂車上一物而今失傳車搖當是譌字

輶輶車後登也从車丞聲讀若易拊馬之拊署陵切

注曰廣韵十六蒸四十二拯皆曰輶輶車後登出字林不言出說文恐是呂氏後增之字非許舊也古車無不後登者

𨋖乘也从車𨋖聲作代切

注曰引申爲凡載物之稱又假借爲始才之假借也又假借爲事詩上天之載毛傳曰載事也又假爲語詞詩春日載陽箋云載之言則也○箋曰戴氏侗曰車載人物也引之則記載於簡冊者亦曰載古者以年紀事故年亦謂之載所載之物爲載詩云載輸爾載又爲發語辭

車

圖圍也四千人爲軍从車从包省軍兵車也

軍後訂作

車舉云切

注曰釋元應引字林四千人爲軍是呂忱之誤也許書當作萬有二千五百人爲軍見周禮大司馬職旅篆下云軍之五百人爲旅師篆下云二千五

百人爲師既告偁之則此必偁無可疑者

軼

出將有事於道必先告其神立壇四通樹茅以依

神爲軼既祭軼轢於牲而行爲範軼詩曰取羝以

軼从車友聲

蒲撥切

注曰周禮大馭犯軼鄭注行山曰軼犯者封土爲

山象以菩芻棘柏爲神主既祭之以車轢之而去

喻無險難也杜子春云軼讀爲別異之別謂祖道

轢軼磔犬也詩大雅生民篇文○箋曰道祭謂之

軼其牲或羊或犬也引申之義爲軼涉通作跋軼

轢於牲而行爲範軼範如範我馳驅之範範軼蓋

古語繫傳本作犯軼轢牲而行爲範軼不可通矣

範周禮作犯假借字也

範範輶也从車範省聲讀與犯同犯音

箋曰周禮大馭祭軌杜子春云軌當爲軹軹謂車軹前也然則範當从軹聲不必从範省許書未收軹字故云爾

輶輶載高兗从車獻聲原作獻省聲今從繁傳五葛切

箋曰張平子西京賦飛檐輶輶薛注輶輶高兗此引申之義也

輶車聲也从車害聲一曰轄鍵也胡八切

注曰輶轄異字而同義同音○箋曰舛部輶車軸耑鍵也小雅車輶曰開闢車之輶今毛傳開闢設

牽也。灝按：車轄貫軸，而孔以關轂，不得有聲。蓋車行脂轂以利轉，轂與軸相切，作聲耳。集傳以閭闕爲狀，聲之辭渾而言之，亦尙無不可。若直訓轄爲車聲，則害於義矣。疑說文本云：「轄，鍵也。」後人以車聲易之，遂以鍵爲別義也。

轉運也

繫傳作還也

从車專聲

知戀切

箋曰：廣雅曰：「運，轉也。」轉者，周旋之義。故訓爲「運淮」，南天文訓：「運之以斗高。」注：「運，旋也。」運，繫傳作「還」，亦通。還，讀爲旋也。

輸

委輸也从車俞聲

式朱切

注曰：以車遷賄曰「委輸」。亦單言「輸」，引申之。凡傾寫

皆曰輸輸於彼則彼贏而此不足故勝負曰輸

輶重也从車周聲

職流切

注曰輶謂車重也小雅戎車既安如輶如軒毛曰輶擊也考工記大車之轅擊鄭曰擊輶也擊輶雙聲軒言車輕輶言車重引申爲凡物之輕重故禮經以之言矢士喪禮軒輶中是也周南假輶爲朝故毛傳曰輶朝也而說詩者或以本義釋之

輩若軍發車百兩爲一輩从車非聲

補妹切

注曰此蓋用司馬遷故言故以若發聲今司馬遷存者渺矣引申爲什伍同等之偶如鄭注宮正云使之輩作輩學相勸帥也

輶也从車乙聲

烏轄切

注曰輶本謂車之輶於路引申之爲勢相傾此从甲乙爲聲非从燕乙也惟今韵則入十四黠耳○箋曰輶者車所踐輶也太平御覽七百七十三引通俗文車輶曰輶

輶也从車反聲

尼展切

箋曰車輶謂之輶引申爲凡輶輶之偁俗作輶又作碾太平御覽七百六十二引通俗文石礪輶殼曰碾

輶車所踐也从車樂聲

郎擊切

箋曰文選西京賦值輪被輶薛注車所加爲輶廣

韻盧各切又郎擊切

軌車徹也从車九聲

居洧切

注曰高誘注呂氏春秋曰兩輪之間曰軌毛公瓚有苦葉傳曰由軌以下曰軌合此二語知軌所在矣上距輿下距地兩旁距輪此之謂軌毛云由軌以下則輿下之軌軌也軌下之軸軌也虛空之處未至於地皆軌也○箋曰廣雅曰軌迹也史記司馬相如傳結軌還轅索隱引張揖曰結屈也軌車迹也蓋車輪之迹往來交錯故曰結軌軌从九聲九者屈曲究盡之義也段因高誘注呂覽云兩輪之間曰軌遂以軌爲輿下空處其說大繆王氏引

之已辯之

輶

車迹也从車從省聲

卽容切

注曰兩輪之迹也輶之言從也有所從來也又可從是以求其質也古字祇作從羔羊傳曰委蛇委蛇行可從迹也俗變爲蹤再變爲踪固不若用許書輶字矣从車從省大徐有聲字非也○箋曰段刪聲字非是

軌

車相出也从車失聲

夷質切

箋曰車行出軌迹之外也故引申爲凡侵軼之偶

輶

車輶鈕聲也

聲字從繫傳補

从車眞聲讀若論語鏗爾舍

瑟而作又讀若擊

苦閑切

箋曰輶車行聲玉篇之忍切類篇遂以爲軫之

別體似非也

輶

抵也从車執聲

繫傳篆作輶从執聲陟利切

注曰抵者擠也擠者排也車抵於是而不過是曰

輶如馬之不前曰樊驚

輶

車戾也从車匡聲

隸省作輶巨王切

箋曰考工記輪雖敝不匡即此字義鄭司農云匡

枉也謂身圍之枉戾也說詳通介堂經說古祇用

匡字从車者後所加也

輶

車小缺復合者从車殺聲

陟劣切

箋曰車小缺復合言行斷而復續也引申爲凡暫

止之偶歟本連屬之義故曰缺而復合由是言之
凡言輟者皆暫止而復作者也

輟 礙也从車多聲康禮切

箋曰管子輕重甲篇弓弩多匡輟者則輟亦枉戾
之義

輟 車轄相擊也从車从𨔵𨔵亦聲周禮曰舟輿擊互

者古歷切

注曰轄者鍵也鍵在車頭謂車害相擊也諸書亦
言車轂相擊秋官野廬氏凡道路之舟車輟互者
敘而行之鄭注謂於迫隘處也○箋曰玉篇古詣
切往也與許異廣韵霽錫並收

簞

治車軸也从車算聲

所眷切

注曰治篇韵皆作簞四字句鑣轉規圖之意○箋曰若以簞車軸也爲句則當連篆文讀之不必重出隸書簞字或淺人未知此例而增治字亦未可知又段解爲鑣轉規圖似非其指此軒人之事早已規之矣殆亦調輯義耳

輶

接軸車也从車可聲

康我切

注曰接當作接今正接者續木也軸所以持輪而兩木相接則危矣故引申之多連曰輶輶○箋曰楚辭怨世篇然輶輶而流滯王注輶輶不遇也輶與輶同古詩輶輶長苦辛廣韵亦曰輶輶多連恐

非續木之謂許所言接軸車未詳其義故玉篇亦
不著解說也

輦車堅也从車聲

口聲切

箋曰玉篇同廣韵云車輦又車堅牢

輦反推車令有所付也从車从付讀若胥

兩陽切

注曰反推車者謂不順也付與也本可不與而故
欲與之至於逆推車以與之而不顧此說其字之
會意也故其字从車付讀若胥當作讀若葺淮南
汜論訓曰相戲以刃者太祖輶其肘高云輶擠也
讀近葺急察言之可知葺之不誤矣○箋曰段氏
妄言之而實未明其義又各本皆讀若胥惟毛本

胥作茸乃沿誤本淮南高注之繆此字屢見於淮南書高注三言其音而其一傳寫譌繆段氏已詳引之而未能擇甚矣審辨之難也按汜論訓曰相戲以刃者太祖輶其肘此謂掣其肘而反牽之卽反推車之引申義說林訓曰倚者易輶也亦此義至覽冥訓云廐徒馬圉輶車奉饗及漢書馮奉世傳再三發輶則渾言之也此字當以付爲聲高誘注覽冥云輶推也讀揖拊之拊注說林云輶讀輶濟之輶卽其明證其注汜論云輶擠也讀近茸急察言之此茸字卽胥之譌蓋墀字別作墀又作墀故胥譌爲茸孫愐誤認爲揖之別體收入廣韻二

腫由是有而隴切之音而鼎臣用之然猶未敢擅
改其讀若也至毛晉刊本遂以淮南誤注徑改爲
讀若茸矣古音胥與付相近朱黼爲繫傳作音乳
恕反長於孫愐也

輪有輻曰輪無輻曰𨇗从車侖聲

力屯切

注曰輪之言倫也从侖侖理也三十輻兩兩相當
而不迤故曰輪○箋曰方言曰輪韓楚之間謂之
軼關西謂之輟釋名曰輪綸也言彌綸也用帀之
言也或曰輓言輻總入轂中也按輓卽輟也

𨇗蕃車下庫輪也一曰無輻也从車全聲讀若饌

切

箋曰蕃車蓋卽上文曲輶藩車曰軒者也車差小故輪庫而無輻許以無輻爲別一義蓋庫輪亦或有輻也康成注禮以輶爲喪車許無其說

輶

大車輶持衡者从車兒聲

五雞切

輶輶或从宀

輶輶又从木

注曰輶與衡相接之關鍵也此與小車之軌同用

而異名

輶

大車後也从車氏聲

子禮切

箋曰釋名曰輶輶之形同有邸曰輶無邸曰輶按

邸謂車後勢蔽也輶蓋與邸同

輶

大車輶也从車秦聲讀若臻

側託切

注曰簣者牀棧也大車之藉似之小車謂之茵車
重席也似虎文者謂之文茵大車謂之轅竹木爲
之

輶淮陽名車穹隆輶从車賁聲

符分切

注曰淮陽漢國有縣九今開封陳州以南是其地
車穹隆卽車蓋弓也方言曰車枸簣宋魏陳楚之
閒謂之篋或謂之簣籠秦晉之閒自關而西謂之
枸簣西隴謂之檣南楚之外謂之篷或謂之隆屈
郭云卽車弓也按許之穹隆卽簣籠也許之輶蓋
卽檣字與長楊賦碎輶輶別一義也○箋曰輶輶
卽輶輶說文二字連屬似非別義兵車謂之輶輶

以其蓋弓穹隆然耳

輓

大車後壓也从車宛聲

於云切

注曰玉篇輓輓兵車也壓當依玉篇作厭厭竿也輓亦作輓○箋曰孫子謀攻篇脩櫓輓輓曹孟德注云輓輓者輓牀也其下四輪文選長楊賦碎輓輓李善引服虔注曰輓輓百二十步兵車或可寢處玉篇云輓車後狀也狀厭古通謂厭蔽也

輦

大車駕馬也从車其聲

居玉切

注曰周禮鄉師正治其徒役與其輦輦鄭注輦駕馬輦人輓行所以載任器也左氏襄九年傳陳番楫漢書五行志楫作輦應劭曰輦所以輿土也史

記夏本紀山行乘櫓漢書溝洫志櫓作柁車昭云
柁木器如今輿牀人舉以行也○箋曰櫓與輦同
蓋異物同名

輦連車也一曰卻車抵堂爲輦从車差省聲讀若遲

士皆切

注曰謂車牽聯而行有等差也左傳差車官名一
曰卻車抵堂爲輦者東京賦皇輿宿駕輦於東階
薛綜曰輦之言卻也謂卻於東階下天子未乘之
時也李善音柴○箋曰今北人謂兩車相抵爲輦
讀差去聲疑卽此字抵堂俗作抵塘

輦車輓車也从車从𠂔在車前引之

力展切

注曰謂人挽以行之車也小司徒輦輦鄭注輦人
輓行所以載任器也止以爲蕃營司馬法曰夏后
氏謂輦曰余車殷曰胡奴車周曰輜輦故書輦作
連鄭司農云連讀爲輦林輦設輅於車前用索輓
之爾雅曰徒御不驚徒輦者也

輓引之也从車免聲

無遠切

注曰引車曰輓引申之凡引皆曰輓左傳曰或輓
之或推之俗作挽○箋曰此篆亦當作輓加末筆
輗紡車也一曰一輪車从車坐聲讀若狂

巨王切

注曰紡車曰輗通俗文曰繰車曰軒尼心切別是
一物繰與紡二事也○箋曰通俗文輗字軒之譌

玉篇軋懼王切紡車也从王卽圭之省耳糸部紡

但云網絲未嘗分別其義廣韵侵部亦無軋字

輶車裂人也从車𡩊聲春秋傳曰輶諸栗門

胡慣切

注曰周禮條狼氏誓僕右曰殺誓馭曰車輶鄭注

車輶謂車裂也按大徐云𡩊非聲當从環省此惑

於毛詩青青𡩊𡩊爲韵而不知詩之𡩊𡩊乃𡩊𡩊

之雙聲假借也春秋傳宣公十一年文

斬馘也从車从斤斬法車裂也

側減切

注曰周禮掌戮注云斬以鈇鉞若今𡩊斬也殺以

刀刃若今棄市也本謂斬人引申爲凡絕之偏○

箋曰斬法車裂故其字从車从斤此指事也法車

裂蓋霽斬

輶喪車也从車而聲

如之切

注曰各本篆作輶解作从車而聲今更正作輶文選注玉篇廣韵龍龕手鑑皆作輶从重而者蓋喪車多飾也○箋曰鈕氏樹玉曰需乃需之隸體衡方碑作濡術假濡為儒也篇韵輶為輶之重文者從俗也灝按鈕說是也說文各本俱無作重而者不得擅改

輶春秋傳曰輔車相依从車甫聲人頰車也

原作人頰車也

从車甫聲今從繫傳扶兩切

注曰小雅正月篇其車既戰乃棄爾輔又曰無棄

爾輔員于爾輻正義曰爲車不言作輔此云乃乘
爾輔則可解脫之物蓋如今人縛杖於輻以
防輔車也今按呂覽權勳篇曰宮之奇諫虞公曰
虞之與虢也若車之有輔也車依輔輔亦依車虞
虢之勢是也此卽詩無棄爾輔之說也合詩與左
傳則車之有輔信矣○箋曰詩正義所說乃輔之
本義左氏桓五年傳曰諺所謂輔車相依唇亡齒
寒者其虞虢之謂也杜注輔頰輔車牙車正義曰
釋名曰頤或曰輔車其骨強可以輔持口或謂牙
車牙所載也或謂頤車衛風碩人云巧笑倩兮毛
傳云好口輔也輔爲外表車是內骨故云相依此

輔之假借字面部曰輔頰也是也許因輔之字義書傳無徵故引春秋傳輔車相依而釋之曰人頰車也蓋意有所疑也段氏既引小雅以明車輔之義又合左傳爲一說則其義相混矣

車轉羣車聲也从三車

呼宏切

箋曰玉篇轉與轟同又作轉按轉从勻聲不當爲

一字

文九十九 重八

輶車名从車孺聲

士限切

鈕曰玉篇輶載柅車重文作輶左成二年傳升父

寢于輶中杜注輶士車按四禮巾車士乘棧車鄭

注棧車不革輓而漆之又考工記棧車欲弇鄭注士乘棧車據此知古通作棧

𨾏車聲从車𨾏聲

力珍切

鈕曰詩有車鄰鄰毛傳鄰鄰眾車聲也釋文鄰亦作𨾏又廣雅釋言𨾏𨾏也說文𨾏亦訓𨾏集韻云𨾏或作𨾏

𨾏車迹也从車徹省聲本通用徹後人所加

切

鈕曰說文軌訓車徹老子善行無徹迹釋文徹梁云應車邊今作彳邊者古字少也

文三

新附

𠂔 小𠂔也象形凡𠂔之屬皆从𠂔

都回切

注曰士冠禮注追猶堆也是追卽𠂔之假借字李善注七發曰追古堆字詩追琢其章追亦同𠂔又轉爲敦如爾雅之敦正俗作墩詩敦彼獨宿傳以敦敦然釋之皆是也○箋曰戴氏侗曰側𠂔爲𠂔側𠂔爲𠂔𠂔小阜也故其文𠂔𠂔而殺別作堆引申爲追琢追篆𠂔副追之追書傳通用追字灝按戴說是也𠂔本𠂔之側體小篆變而方之其上爲曲筆皆取字形茂美耳𠂔篆倣此𠂔部有雇字都回切又史記河渠書鑿離碓漢書溝洫志碓作𠂔皆𠂔之異文

𡵚危高也从𡵚中聲讀若臬

魚列切

箋曰玉篇云𡵚高危也字作𡵚从山从𡵚廣韵亦

作𡵚云山高兒灝按从𡵚聲是此篇韵誤也又廣

韵云嶽薛山名薛字亦譌體

𡵚

吏事君也

吏原本誤作史今從毛本

从宀

从𡵚

猶𡵚也此與

師同意

古丸切

箋曰玉藻曰在官不俟履鄭注官謂朝廷治事處

也漢書賈誼傳曰及太子少長則入于學學者所

學之官也顏師古注官謂官舍此官之本義周禮

司常云官府各象其事州里各象其名家各象其

號曲禮曰在官言官在庫言庫在朝言朝此以官

府與庫朝家及州里對言則官爲官舍益明矣从
山在自上象其高於闔闔也因之在官之人謂之
官許以官吏事君爲本義非也其謂自猶眾也亦
失之

文三

說文解字第十四

上